

في سكون الليل انسل حسين إلى غرفة النوم وهو يتربع من التعب ،
 كان يرتدي بذلته السوداء وهي البذلة الوحيدة التي يملكها ولا تزال
 تحتفظ برونقها ، فهو لا يرتديها إلا في المناسبات الهامة . وهل هناك
 مناسبة أهم من حفل زفاف ابنته الثانية ؟

إنه في ليلة زفاف أحلام سقط مغشيا عليه لما أقبل عليه شقيق وفي يده
 نبيلة وقال له : « أنا جاى يا عمى أطلب منك نبيلة » ، فما كان يقدر
 على أن يتحمل فكرة أن يقاسي ما قاساه من متاعب حتى زفت أحلام إلى
 جلال . إنها متاعب هدته هذا وجعلته يضيق بكل من حوله وما حوله .
 ولكن ما إن قال له شقيق إنه يريد نبيلة .. يريدها بحقيقة ملابسها حتى
 أفاق من غشيتها : وقد صدق شقيق وعده فقد جاء بالماذون وفي حفل
 متواضع تم كل شيء .. عقد القران وأخذ زوجه وانصرف .

وعلى الرغم من أن الحفل اقتصر على أفراد الأسرتين فقد كان شيئا
 مرهقا ، لقد وقف طوال النهار يشرف على إعداد المائدة التي أعدت
 إكراما للعرис الذي أظهر من الشهامة ما أثلج صدره ، ويدب عنها
 عادية أولاده سوسن وعاطف وهالة — التي عرفت المشي — فكانت

تذهب إلى مفرش المائدة المتبدلي على جانبيها وتجذبه بكل قوتها .
إن زوجته زينب لم تسمح للعروسين بالانصراف قبل أن ينتصف الليل ، فلما دقت الساعة المتواضعة المعلقة في الصالة الثانية عشرة نظر شقيق إلى حماته مستعطفا ، فإذا بالدموع تنهر من عينيها وتقول في صوت مخنوق بالعبارات :

— خلى بالك منها يا شقيق .
— دى في عنّي يا تنت .

وخرج شقيق وقد أخذ ذراع نبيلة تحت إبطه وذهبت زينب والأولاد خلفهما لوداعهما وانسل هو إلى غرفة النوم يتربع حتى إذا ما بلغ السرير ارتدى عليه بملابسها وراح يملاً رئتيه بهواء يشده بأنفه شدا والزغاريد تدوى في أذنيه .

وميز زغرودة من بين الزغاريد ؛ إنها زغرودة سامي . وهم بأن يقوم ليpherه فما أصبح يليق بطالب قد عرف طريقه إلى الجامعة أن يزغرد . إلا أن تعبه جعله يعرض عن رغبة القيام وتعكير دمه في شخط ونظر وهو يريد أن يستريح وأن يستريح طويلا .

ودخلت زينب الغرفة وهي ثوب السهرة . إنه ثوب غير ذلك الثوب الذي حضرت به زواج أحلام ، لقد أصرت على أن تشتري ثوباً جديداً لفرح نبيلة ، ثوباً يليق بالمصاهرة الجديدة وما كان له إلا أن يخضع . ورأته ممدوداً في السرير بملابسها فتقدمت منه وراحت تخليع له الحذاء

وهي تقول مداعبة :

— والله ما أحد ح يجوزها غيرك .. هو احنا لنا قيمة من غيرك .
وراحت تفك الكرافنة وتعاونه على خلع القميص ، فلما صار
القميص في يديها إذا بفانلته مرصعة بدواتير فارغة ... فقالت في
إنكار :

— بقى دى فانله تلبسها يا حسين ! فيها إيه لو تشتري لك كام
فانله ؟

وأخذت تفك الخزام الجلد المثبت للبنطلون ثم أزرار البنطلون ،
وقال :

— متين يا حسره ؟! هو أنا قادر اتلم على قرش . حبك يا زينب
تمسكي إيدك شويه ، لسه ورانا كثير .

توقف عن فك أزرار البنطلون وتلتفت إليه في شيء من الغضب :
— يعني شاييفني عماله أبعثر الفلوس شمال ويمين . والنبي لولا تدبيري
ما كنا قدرنا نعيش .

وصمت وكست وجهه موجة من الأسى . إنه لا يريد أن يثير
الرابع ، كل ما كان يريد أن ينام .. أن يستريح . وفطنت زينب إلى ما
اعتراه فأرادت أن تخفف عنه فقالت :

— والنبي يا حسين ما تحمل هم ، ربنا كبير .. الأيام اللي
جايـه ح تفوـت زـى الأيام اللي راحـت . كنت باقول لك دايمـاـ
رزـق الـبنـات وـرا الـباب ما كـنـتـش بـتـصـدقـنى . جـالـكـ كـلامـى
بقـى ؟

جسمه ينبض بالتعب .

وانتهت من إلباسه بنطلون البيجاما فجلس في السرير ورفع ذراعيه كطفل طيب يحاول أن يعاون أمه على إلباسه ملابسه ، فما أن دخلت ذراعيه في كمى الجاكتة حتى استلقى على ظهره منهوكا والنوم يشل جفنيه فيسدهما على عينيه .

وزررت له أزرار الجاكتة ثم مالت عليه وقبلته قبلة خاطفة وقالت له :

— تصبح على خير . نوم العواف . عايزة حاجه قبل ما تنام ؟

وذهبت لتخلع ثوبها فإذا به يقول وهو يتثاءب :

— عايزة استريح ومش عايزة حد يصحيني ولو الدنيا ادربيك .

وما أن أنهى من كلامه حتى جاءت من الغرفة المجاورة أصوات ثائرة . إنها أصوات أبناءه وكان من الواضح أنهم يتشاركون ، فهب من سريره وانطلق غاضبا إلى مصدر الصوت وكان آتيا من غرفة أحلام ونبيلة ، فدخل إليها كال العاصفة . وأتت زينب خلفه مهرولة مفروعة تسؤال :

— فيه إيه يا مقاصيف الرقبة ؟

رأى سوسن واقفة في وسط سرير أحلام ، وعاطف واقفا في سرير نبيلة عند رأس هالة التي نامت وقد انحسر ثوبها عنها حتى كشف بطنهما ، إنها غارقة في سبات عجزت الضجة من حولها عن أن توقطها أو تجعلها تتململ في رقادها . ورأى سامي هائجا يمد يده لينزع سوسن من فوق السرير ، فلما سمع صوت أبيه يقول مستنكرًا :

— ما شاء الله ..

أعاد ذراعه الممدودة وأطرق ينتظر قضاء أبيه ، فأسرعت سوسن
تقول :

— الحق يا بابا . سامي ومراد عايزين ياخذوا أودة أحلام ونبيله بعد
ما انجوزوا .. مش الأوده دى للبنات ؟

فقالت زينب :

— ومن قال غير كده ؟

فقالت سوسن في انتصار :

— سامي .

فتقدم مراد وقال :

— الأوده دى ما حدش ح ياخذها إلا أنا وسامي ، سامي بقى في
الجامعه عايز يذاكر في هدوء ، وأنا عايز برضه أذاكر .

فقالت سوسن في تحد :

— من فلاحتك قوى ؟!

فقال لها حسين ينهرها :

— عيب يا بنت .

ثم التفت إلى سامي وقال :

— الأوده دى للبنات .

فقال سامي متفلسفا ليظهر علمه واعتراضه :

— آدى اللي خدناه من قاسم أمين .

- ١٠ -

— وإيش حشر سى قاسم أمين جوز عمتك فى الموضوع ده؟ الراجل
مسافر بره بقاله سنين .

فيلتفت حسين إلى زوجته ويقول شارحا :

— قاصدك قاسم أمين محرب المرأة .

فقالت زينب معتبرضة ضائقه بهذا الزعم :

— ما هي طول عمرها حره .

فقال مراد :

— ما هو اللي يخن ودان الستات ، خلاهم يتعرروا في الشوارع
ويتعلموا ويتوظفوا ويتزنقوا في الأتوبิسيات .

فراحـت زينـب تلـكـزـهـ فـيـ صـدـرـهـ بـقـبـضـتـهـ :

— اخرس يا قليل الأدب .

فلم يعجبه أن تحجر أمه على رأيه فقال في انفعال :

— هي كل حاجـهـ فـيـ الدـنـيـاـ بـقـتـ لـلـسـتـاتـ؟ـ واللهـ لماـ أـكـبـرـ لاـ اـنـاـ عـاـمـلـ
جـمعـيـهـ تـطـالـبـ بـحـقـوقـ الرـجـالـهـ .

فقال عاطف دون قصد :

— وانت مالك ومال الرجاله ؟

فاستشاط مراد غضبا ولو لا وجود أبويه لضربه ، فراح يتوعده من
بعيد وعاطف يهزأ بوعيده ، كانت العيون وملامع الوجه والشفاء هي
أدوات التعبير الصامتة التي ما كان للأبوين عليها سلطان .

ودار سامي على عقبيه لينصرف غاضبا من ذلك القرار الجائـرـ ،

وذهب زينب لتفطى هالة ، وفطن الأب إلى ضيق ابنه بقراره فقال :

— سامي ، تعال نتفاهم أنت ما بقتش صغير .

فعاد سامي إلى حيث وقف أبوه وإن ظل مطرقا لا يرفع عينيه عن الأرض . قال حسين :

— شوف يا سامي يابني ، إن واحده من إخواتك جت هي وجوزها حبوا يباتوا عندنا يباتوا فين ؟

قال عاطف في حماس :

— يباتوا معايا ..

فجذبته أمه من رقبته وهي تقول :

— ما بلاش غلبه ولم لسانك ده اللي عايز قطعه .

وقال مراد وقد فطن إلى ما يرمي إليه أبوه :

— وإيه اللي حيخلهم يباتوا عندنا ؟

— الظروف يا بنى بتحكم ، إن جم يباتوا عندنا ما فيش غير الأوده دى يباتوا فيها ، و ساعتها ناخذ سومن وهاله في أودتنا . فهمت يا سامي ؟

رفع سامي رأسه ونظر إلى أبيه في رضا وقال :

— فهمت يا بابا .

وانسل سامي إلى غرفته وقد أخذ عاطف في يده ، وتمددت سومن في سرير أحلام وقد أركبت ساقا على ساق وهي تستشعر نشوة الانتصار ، وذهب حسين إلى غرفته وتبعته زينب ، وبقى مراد ينظر إلى

سوسن في غيظ فلما رأته قالت في شيطنة :

— يحيا قاسم أمين محرر المرأة .

فأسرع إليها مراد وأنخذ اللحاف ليكتم به أنفاسها ، فإذا بها تهم بالصياح :

— يا ماما .

قفزع مراد وألقى اللحاف من بين يده وفر مرعوبا إلى غرفة البنين .

وقفت زينب في المطبخ تغسل الصحاف التي تناولوا فيها الغداء ،
وجلس حسين يقرأ الصحف في الشرفة ، واجتمع الأولاد حول الراديو
يسمعون إذاعة وصف إحدى مباريات كرة القدم ، وإذا بعاطف ينسel
إلى المطبخ ويقول لأمه :

— رايح اتفرج على الكوره في التلفزيون عند الجيران .

فقالت له :

— بس ما تتشاقاشي .

وعرف أن ذلك تصريح له فراح يهrol خارجا ، فلقيته سوسن فقالت
له :

— على فين ؟

— ح اتفرج على الكوره في التلفزيون .

فانطلقت سوسن إلى أمها وقالت لها :

— ح اروح مع عاطف .

فقالت زينب وهي مستمرة في عملها :

— لا .

فذهبت سوسن إلى الشرفة حيث جلس أبوها وقالت :

— يا بابا أروح مع عاطف أتفرج على الماتش في التلفزيون .

فقال لها دون أن يرفع عينيه عن الصحيفة التي كان يقرأ فيها :

— قولى لاما .

فعادت إلى أمها وقالت لها :

— يا ماما أروح مع عاطف .

فقالت زينب في غضب :

— قلت لا يعني لا .

فقالت سوسن عائدة إلى أبيها وقالت :

— يا بابا أروح مع عاطف .

— قلت لك استأذني من ماما .. أنا ماليش دعوه .

فقالت سوسن لتشير كرامته :

— إنت عايز تقول إنها بتمشى كلامها عليك !

— يا سوسن لازم تعرف إن هي المسئولة عن البيت ده .

وأنسحبت وهي تستشعر أن أبوها قد خذلها ، وعادت إلى المطبخ

وقالت لأمها في توسل :

— والنبي يا ماما أروح مع عاطف .

فأخذتها زينب بين يديها وهزتها في عنف وهي تقول لها في غضب :

— هو أنا ميت مردح أقول لا .

فانطلقت غاضبة إلى حيث جلس أبوها وقالت منفرجة :

— مش ح بطلق الست دى بقى وترىخنا .
ونحنى حسين الصحيفة بعيداً ونظر إلى سوسن وهو يتصنّع الغضب
وإن كانت كل ملامحه تُفصّل حقيقة ما يحسّه من انبساط ، وقال :

— إنت عارفه لو ماما سمعتك ح تعمل فيكى . إيه ؟
— عارفه .

— طب وقولتى كده ليه ؟
— طهقت .

وخرجت زينب من المطبخ فرأة سامي ومراد ينصتان إلى الراديو في
اهتمام ، فوقفت ترني إلهمما في حنان ثم قالت :

— بقى لو كان الماتش بيذاع م التلفزيون مش كان أحسن .
فقال مراد بسخرية :

— لو .. هو فين التلفزيون ده ؟
— اطلبوا من بابا يجيّب لكو تلفزيون .
فقال سامي في إنكار :
— هو ده معقول ؟

— مش معقول ليه ؟ هو بابا عمره أتأخر لكو على حاجه .
فالتفت مراد إلى سامي وقال له :
— روح يا سامي قول لبابا يجيّب لنا تلفزيون .
— ما تروح انت .
— لأ .. انت أكبّرنا ما يصحّش اتقدّم عليك .

— أنا يا سيدى متنازل لك عن حقى ده .

فنهض مراد وراح يلملم شجاعته وذهب إلى حيث كان أبوه وأمه ترقبه من بعيد ، كان حسين قد أجلس سوسن على ركبتيه وكان يحاورها وكان حديثها فيه ذكاء جعل نفسه تصفو وقد انعكس صفاء وجداه على صفحة وجهه ، فلما قرأ مراد الرضا في ملامع أبيه شد ذلك أزره فقال :

— بابا .

— نعم يا مراد ؟

— عايزيين تلفزيون .

وأحس مراد كأنما أزاح جبلا عن صدره ، ولكن سرعان ما انكمش لما سمع أباه يقول في غضب :

— بلاش مسخرة .

وكأنما فتح أمام سوسن بابا لم يخطر لها على بال فقالت :

— مش ده يا بابا أحسن ما نروح عند الجيران .

وأنزلها من على ركبتيه وقال لها :

— روحي بلاش غلبه .

ورأت زينب أن الوقت أصبح مناسبا لظهورها على مسرح الأحداث ، فدخلت عليهم وهي تتظاهر بالبراءة وقالت :

— فيه إيه ؟

استراح حسين لدخولها ولم يدر أنها القشة التي يتعلق بها الغريق فقال

— كأنما يلوذ بها ويلتمس منها العون :

— تعالى شوف ولادك عايزين إيه ؟
ولحق سامي بهم وإذا بسامي ومراد وسوسن يقولون في صوت
واحد :

— تلفزيون ..

وفي فرع يلتفت حسين إلى زوجة ويقول كأنما يستغيث بها :
— عاجبك كده ؟

فقالت زينب في هدوء :
— ربنا يخليلك لهم .

وأحس أنها خذلته فقال في ثورة :
— يخلينى !؟ وحجيب منين ؟

لمعت في ذهن سامي فكرة فقال :
— نشتريه بالتقسيط .

وقال مراد :

— بالتقسيط المريح .

والتفت إليه الأب وقال ساحرا :

— بالتقسيط المريح ؟ وندفع القسط منين ؟

فقالت سوسن :

— من مصروفنا .

وقال مراد مؤيدا :

— من مصروفنا .. مش كده يا سامي ؟

فقال سامي وهو يهز رأسه موافقاً :

— كلنا موافقين طبعاً .

ولم يشأ حسين أن يهز ف قال :

— نفرض إننا حنوف على الكلام الفارغ اللي بتقولوه ده ، ط
المقدم ندفعه أزاي ؟

وبحسب الرجل أنه وضعهم أمام مشكلة ، فإذا بالزوجة تقول :

— أنا عامله جمعيه من الجيران وقبضتها .

فقال مراد في فرح :

— برافو يا ماما ، يا أحسن ماما في الدنيا .

وأسقط في يد الزوج ف قال غاضباً :

— لا ، دى مؤامره .

وأيقنت زينب أن كل شيء قد أحكم فقالت وهي تسحب
الداخل :

— أنا مالي .. ولادك عندك اتصرف فيهـ .

وغادرت زينب المكان فالتفت حسين إلى أولاده وقال :

— والمذاكرة ؟!

— قبل الامتحانات بثلاث شهور ما حدش حيفتح التلفزيـ
خالص .

وقال سامي مردفاً :

— ده وعد شرف .

فقال حسين وهو يغادر الشرفة :

— ده كلام فارغ .. دى مسخره .. التلفزيون مش حيدخل البيت

ده أبدا طول ما أنا عايش .

وضع التلفزيون في الصالة والتلف الأولاد حوله وقد ارتسם البشر في وجوههم ، وراحـت زينب ترنـو إلـيـهم فـرـحـقـقـتـنـجـحـتـفـيـأـنـتـحـقـقـلـهـمـأـمـنـيـةـغـالـيـةـ . وما شـذـعـنـهـمـسـوـيـهـالـةـ ، كـانـتـتـدـاعـبـعـرـوـسـةـصـبـنـعـتـهـاـهـاـأـمـهـاـمـنـخـرـقـةـبـيـضـاءـوـبـعـضـالـقـشـالـذـىـتـجـمـعـلـدـيـهـاـ .

كان التلفزيون يعرض فيلماً أجنبياً فلم يستحوذ على كل انتباهم بل ترك لهم فرصة الحديث والمحوار ، قال مراد :

— والله أنا أقدر أخل التلفزيون ده سكوب .

فقالت زينب في سخرية :

— أيوه ، خسره زى ما خسرت الراديو .

قال مراد مدافعاً عن نفسه :

— الحق على اللي صلحته لكم .

فقالت زينب في مرارة :

— كتر خيرك ، مش عايزة ينـكـتصـلـعـحـاجـهـ .. رـيـحـنـفـسـكـوـرـيـحـنـاـ ..
تعرف لو تلعب في التلفزيون مش ح يحصلك طيب .

ورـنـجـرـسـالـبـابـالـخـارـجـيـ فـهـضـتـسـوـسـنـ وـقـالـتـفـرـحـ :

— بابا .. بابا .

وجرت إلى الباب وفتحته ، وما كاد يخطو إلى الداخل خطوة حتى
قالت له في ان شراح وهي تجذبه من يده :
— تعال اتفرج على التلفزيون .

ودخل على الأولاد وقد جلسوا يتبعون الفيلم فألقى عليهم نظرة
ارتياح وقال :

— السلام عليكم .

ولم يرد عليه أحد السلام بل قال له عاطف :
— هش .

وفي صمت أفسحت زينب له مكانا إلى جوارها فتقدم وجلس ،
وأدأر عينيه في المكان فلمح حالة تلعب بعيدا فقال في عتاب :
— هي هاله بس اللي مالهاش نفس !

وذهب إلى حيث كانت حالة وحملها في حنان وقبلها ثم عاد وأجلسها
في حجرة وراح يوجه نظرها إلى التلفزيون ، فإذا بالطفلة ترتجف
وتصرخ في فزع ، ولفت خوفها أنظار إلحوتها فانفجروا يضحكون .
ونهضت زينب وأخذت الطفلة وضمتها إلى صدرها تسكينا لروعها
وراحت تهددها وتقول لها في حنان دافق :

— اسم الله .. ما تخافيش يا روحى .

واستكانت الطفلة في حضن أمها ، وكأنما عز على زينب أن تظل
واقفة فقالت :

— انتو مش حتعشوا ؟

فقال سامي :

— هاتي لنا العشا هنا .

ونظرت إلى زوجها فإذا به يهز لها رأسه موافقاً فقالت :

— تأكلوا إيه ؟

فقال حسين في عدم اهتمام :

— اللي تحببه ، اللي عندك .

— أنتو ح تحيروني ! ما تقولوا تأكلوا إيه ؟

فقال مراد :

— بيض .

قالت كأ اعتادت أن تقول :

— هو كل يوم بيض ؟ هو انتو تعابين ؟

فقال حسين مؤيداً رأي مراد :

— والله البيض أذم الفراخ .

— أعمله لكم سندويتش ؟!

فقال سامي معترضاً :

— لا .. أنا أحب أغمس .

وقال عاطف :

— وانا .

ومدت يديها بهالة إلى حسين وقالت :

— طب خد بنتك على ما احضر العشا .

وذهبت إلى المطبخ وعادت تحمل صينية عليها صفحة قلي فيها البيض وصحاف الجبن والزيتون وضعتها على منضدة صغيرة بينهم وبين التلفزيون . وراحوا يأكلون ويتابعون الفيلم . وأبانت حالة أن يطعمها أبوها وأصرت على أن تأكل بيدها . وراحت تأكل فلما وجدت أن أصابعها قد تلوثت بالبيض تلفت حولها فلم تجد أقرب من كرافته أبيها تمسح فيها يدها ، فلم تتردد بل قبضت عليها وراحت تفركها بين أصابعها .

وفزع الأب وقال :

— إيه ده ! .. إيه ده يا بنت ؟

وأحسست حالة أنه ينهرها فبكت ، فما كان من زينب إلا أن خطفتها منه وضممتها إلى صدرها وهي تقول له :

— خضيبيت البت .

فقال حسين وهو يحاول أن ينطف الكرافته بمنديل آخر جه من جيب بنطلونه :

— هو انا لاقيها منها واللا من سامي !

فقال سامي في استياء :

— وماله سامي راخر ؟

— هو انت مخلينى اتهنى على كرافته .

— حتى أنا ما بالبسى كرفات .

— و يوم الخميس والجمعة؟

— إيه يعني يومين في الجمعة.

وينظر حسين إلى المنديل الذي اتسخ ويرى أن يغيره ، فيذهب إلى غرفة النوم ويفتح الدرج الذي يضع فيه المناديل فيجده خاويًا ، فيعود ثائراً ويقف عند الباب ويقول :

— ولا منديل في الدرج ! أمال المناديل راحت فين ؟

فتقول سوسن دون أن تلتفت نحوه فقد كانت تحاول أن تتبع الفيلم :

— أنا شفت سامي وهو بيأخذ منديل الصبح .

فتقول زينب :

— أنا حطه تلات مناديل مكويه بـ يدي .

فيقول حسين في غضب :

— طب الباقى راحوا فين ؟

فتقول سوسن في بساطة :

— عاطف خد واحد وأنا خت واحد .. يعني نروح المدرسه من غير مناديل ؟

فيقول حسين وقد خفت حدة غضبه :

— ما شاء الله أ .

ويذهب حسين ويجلس ليتابع القصة ، وما كاد يستقر في جلسته حتى قال له مراد :

— يا بابا انت مش ح تشترى لك شرابات ؟

فقال حسين في هدوء :

— عندى شرابات كتير .

— لأن .. ما عندكش .

— وإيش عرفك يا سى مراد ؟

— جيت آخذ شراب الصبح ما لقيتش .

يلتفت حسين إلى زينب فتحس أن في نظراته عتابا . فتسرع بالدفافع

عن نفسها :

— والله شراباتهم ومناديلهم في ادراجهم ، بس هم اللي عندهم زايجه .

وساد الصمت ، كان يعرض على شاشة التلفزيون منظر غرامي .

ونحقق قلب حسين ، كان يرجو أن ينتهي المشهد سريعا ولكن المشهد طال وانتهى بقلبة بين البطل والبطلة . ومن طرف عينيه راح يرافق أولاده .. رأى سوسن وعاطف قد أطرقا في خجل أما سامي ومراد فقد أخذنا يتبعان المشهد بكل حواسهما . والتقت عينا حسين بعيني زينب وما لبث حسين أن نهض وانصرف إلى غرفة النوم فقامت زينب وقلبها يدوى في صدرها وخوف قد غمرها وتبعته ، فلما أحس دخوها قال لها في عتاب .

— عاجبك كده ؟ عاجبك الخساره دي ؟

— خساره إيه ؟ أنا ما اخشى على ولادي ، أنا ولادي مؤدين ،

شفت سوسن وعاطف عملوا إيه ؟!

وراحت حوادث القصة تتتابع على الشاشة والأولاد يتبعونها في

اهتمام ، فالقصة قد استولت عليهم وإن كانوا لا يفقهون من الحوار الدائر
بين الممثلين شيئاً .

وعاد البطل يقبل البطلة فإذا بعاطف يلكر سوسن برفقه ويقول في

انشراح :
— علّقها !

وقف حسين أمام المرأة يخلق ذقنه ، وسمع وقع أقدام بالقرب منه
فاللتفت فرأى مراد وفي يده صحيفة فقال :

— هو الجرناال جه يا مراد ؟

— أيوه يا بابا .

— طب تعال اقرأ لي صفحة الوفيات ، يمكن نعرف حد فيهم .
فتح مراد صفحة الوفيات وتقدم حتى وقف إلى جوار أبيه ، وقبل أن
يفتح فمه قال له حسين :

— اقرأ اللي مكتوب بالببطة الأسود كفايه .

فراح مراد يقرأ :

— مجلس مدينة بلبيس .. مدرسة التجارة الثانوية بقطور .. الحرية
الثانوية التجارية للبنات بشبين الكوم .. اللجنة النقابية للمعلمين ببدر
بنها .. أسرة مدرسة النصر بطلخا .. معهد دمياط الأزهري .. مدرسة
سلامون قبل للبنات .

— إيه ده يا مراد .. باقول لك صفحة الوفيات مش صفحة التربية

والتعليم !

— ٢٨ —

— ما هي دى يا بابا صحفة الوفيات ، وده المكتوب بالبنط الاسود .

— طب سيب الجرنال واتفضل انت .

وترك مراد الصحيفة وانصرف ، وما كاد مراد يخرج حتى دخلت زينب وقالت في هدوء :

— أحلام وجوهها وحاتها ، ونبيلة وجوزها جاين يتجددو عندنا يوم الجمعة .

وترك حسين الحلاقة والتفت إليها وقال :

— مين اللي قال لك ؟

— أحلام بعتت لي .

— قالت لك إنها هي واحتها جاين في يوم واحد ؟
— أيوه .

ونظر إليها فاحصا ثم قال نافذ الصير :

— والله انت اللي روحتي عزمتهم .

— أنا .. أبداً والنبي دنا يا ذوب خطفت رجل امبارح ورحت دفعت قسط التلفزيون .

— وبعتت لك أحلام إمتى ؟

— امبارح العصر .

— وما قلتليش بالليل ليه ؟

فقالت وهي تدور على أعقابها لتنصرف :

— قلت ما انكدش عليك قبل ما تنام .

و قبل أن تنصرف جاء سامي وقال :

— عايز تلاته جنيه .

— تلاته جنيه .. ليه ؟

— كتاب جديد نزل امبازح في الكلية .

— هو كل يوم ملازم جديد و كتاب جديد .

— ما هي الجامعه كده يا بابا .

وجاء عاطف يعدو وقال :

— عايز قرش .

فالتفت حسين إلى سامي و عاطف وزينب وقال :

— انتم مش قلتوا ندفع أقساط التلفزيون من مصروفكم .

فقال عاطف وهو يرفع كتفيه نافيا :

— أنا ما قلتش .

وذهب حسين إلى حيث علق بذلته وأخرج حافظة نقوده وأعطى سامي ثلاثة جنيهات فانصرف شاكرا ، وأعطى عاطف قرشا فراح عاطف يقلب القرش في يده ، ثم رفع رأسه ينظر إلى أبيه وقال :

— انت مش شايف يا بابا إن القرش ما بقاش يشتري حاجه ؟

فقال حسين وهو يدفع ابنه لينصرف :

— قول كده للحكومة .

وراح حسين يرتدى ملابسه ، وأرادت زينب أن تخفف عنه فقالت :

— عندي كام زغلول في السطح أدبهم و كام فرخه ، أهم يسدوا

خانه يوم الجمعة .

— تفتکری دول يكفووا مصطفی علوان ؟ دا عایز له هم کتیر .

— کله يدبر .. دیك رومى نحطه في وسط السفره ، وکام فرخه
وکام حمامه ، وشوية بفتیك وصینية رقاد ، ونخشى شوية ورق عنب ،
وكان الله بالسر علیم .

— ولازم الدیك الرومی ده ؟

— دی أول مره يتغدوا عندنا ، عایزهم يقولوا علينا إيه ؟
وأطرق حسين قليلا ثم قال :

— وح يحلوا إيه ؟

— هات معاك بالمره کام کيلو موز وکام کيلو برتقال ، وأنا عندی
لين ح اعمل رز بلبن .

وهز حسين رأسه يأسا وسخرية وذهب إلى مكتبه . كان يكتب
أرقاما في ورقة . إنها الأثمان التقريرية للأشياء التي سيشتريها . ولما انتهى
من كتابة الأرقام وجمعها أخرج من جيئه حافظة نقوده وأخذ يعد ما بها
ليطمئن إلى أن ما بقى معه يكفى لشراء ما أملى عليه .

وأعاد الحافظة إلى جيئه وشد مفكرا فإذا بصورة زينب تطفو على
سطح ذهنه ، وإذا بصوتها يرن في وجدها : والنبي لو لا تدبیری ما کنا
قدرنا نعيش .. وکادت تستولى عليه كآبة إلا أنه نهض وهز رأسه في عنف
کأنه كان يطرد الأفكار السوداء التي کادت تهاجمه لفترته . وأراد أن
يسمع نفسه صوت الرضا والاستسلام فقال في صوت مسموع :

— الله جاب الله خد .. الله عليه العوض .

وفي العصر كان حسين وأولاده في السوق : حسين عند الخضرى ،
وسامي عند الفاكهى ، ومراد في الجمعية التعاونية ، وعاطف عند مخبز
قريب من البيت . وعادوا جميعا إلى الدار وهم يحملون ما اشتروه .. ورن
جرس الباب فأسرعت سوسن وفتحته فإذا بحسين يدخل وهو يحمل
للفائف بها بطاطس وقوطه وبسلة وجزر وقد أسدل اللفائف بيده إلى
صدره وفي يده الأخرى كرنبيه ، وإذا بسامي يحمل موزا وبرتقالا ،
ومراد يحمل ورقا به اللحم ، وعاطف قد رفع على رأسه كيسا به خبز .

فلما رأت سوسن أيها صاحت :

— كربن .. كربن يا ماما .

فجاءت زينب مسرعة ، فلما رأت زوجها يكاد يختفي خلف ما
يحمل قالت :

— شايل كل ده ! إن شا الله ما انشال ولا اتاكل .

وأسرعت تأخذ الكرنب من يده وتحتفظ عنه بعض ما يحمل ،
وسارت إلى المطبخ وهي تقول :

— كان لازم يعني الكرنب .. هو كان وحمه ؟

— مالقيتش ورق عنب .

— ما كانش لازم .

ووضعت الأم الأشياء في المطبخ ، وما كاد حسين يأخذ نفسه حتى

قالت له :

— والنبي يا حسين تروح تغير هدوتك وتيجي تساعدني في تقشير
البطاطس والجزر ، وانت يا سامي تفصص البسلة عمال ما اسلق
الكرنة .

قال سامي :

— أنا عندي مذاكره .

— يعني حبكت النهارده !؟

— خل مراد وسوسن يفصصوها .

— مراد وسوسن ح يقشروا البصل .

قال مراد :

— الشمعنى أنا اللي اقشر البصل كل مره ؟

— عشان تنصف الخبر اللي دايما في صوابعك .

وذهب حسين إلى غرفته وسرعان ما عاد ولبس فوطة المطبخ وراح
يقشر البطاطس والجزر ، وترك مراد البصل ، وانسل الأولاد ليشاهدوا
التلفزيون .

ووضعت الحلل على النار ، وخرج حسين وزينب من المطبخ ييدو
عليهما الإجهاد ، ونظرت زينب إلى حيث تجتمع الأولاد وقالت :

— كفايه لعب بقى تعالوا ونوضب السفره . اعملوا حاجه نافعه مره .

فقام الأولاد في تكاسل وذهبوا للمساعدة في إعداد المائدة ؛ إن مائدهم
صغريرة لا يمكن أن يجلس حولها كل المدعويين غدا فراحوا يفكرون في
وسيلة يمدون بها المائدة ، فأتوا بمائدة المطبخ ووضعوها إلى جوار مائدهم

وغضوا المائتين بمفرش أبيض .
ووقفت زينب تعد الكراسي ، ولما كانت تعرف تماماً عدد الذين
سيجلسون حول المائدة قالت في سرعة :
— ناقص أربع كراسى .
وقف حسين مفكراً وقال :
— وإيه العمل دلوقت ؟
— ولا حاجه ، بكره نستلفهم من الجيران .
وقالت لسون :
— عدى ياسون الشوك والسكاكين .
وبعد لحظة قالت :
— والا بلاش ، أنا عارفه انهم مش ح يكفووا ، نستلف شوك
وسكاكين الجيران .
قال حسين متبرماً :
— هو كله من الجيران ؟
— يا سيدى الناس لبعضها .
وراح عاطف يعد الأ��واب فإذا بکوب يسقط من يده ويتهم ،
فقالت زينب :
— إيه ده يا مقصوف الرقبه ؟
— كنت باعد الكوبيات .
(المفید)

— مين قال لك تعدهم ، ميت مره قلت لك ما تندش إيدك على
حاجه ، مره تانيه تكسر حاجه ح اكسير رقبتك .
فرماها عاطف بنظرة غاضبة وقال :
— ماتشخوطيش فيّ كده . انتي عايزه تعقليني .

اجتمع الجميع حول مائدة الطعام ؛ كان حسين على رأسها وعن يمينه مصطفى علوان ثم زوجته ثم أحلام وجلال ، وعن يساره شفيق فنبيلة فرسون فزيسب — لتكون قلب المائدة التي تقوم بتوزيع الطعام ذات اليمين وذات الشمال — فسامي وقد جلس قبالته مراد ، وعلى رأس المائدة من الجهة المقابلة جلس عاطف يتنازعه أكثر من اندفاع ، إنه لا يدرى أجلس في ذلك المكان ليبعد عن الطعام أم تكريما له ؟

وراحت هالة تدور حول المائدة ، إنها حائرة لا تعرف مكانها . كانت الأم تخسب أن كسرة خبز أو دبوسا من حمامه سيلهيهما عنهم ؛ ولكن اتضاح أن هالة لن ترضي بأقل من أن تجلس على كرسي خاص بها مثلهم . فذهبت إلى حيث كان يجلس أبوها ، فلما رآها حملها ليجلسها في حجره ، ولكنها أبت وهمت بالبكاء فإذا بمصطفى علوان يتلفت فيرى أكرسيا خاليا فيقوم ويحضره ويضعه بينه وبين حسين ، ويحمل هالة وينجليسها عليه وهو يقول :

— دول برکه ، دارينا بيرزقنا برزقهم .

ونهضت زينب وتناولت شوكة وسكينا وراحت تحاول أن تقطع

الديك الرومي الذى توسط المائدة ، فراح مصطفى علوان يرقبها وقد تحلب ريقه . إنه لا يستطيع أن يكتسب شهوته للطعام حتى تنتهى زينب من التقطيع ، فنهض وقال وهو يمد يديه ليحمل الصحفة والديك :

— عنك انتي يا سست .

ولما أصبح الديك أمامه راح يمزقه إربا إربا بيديه وهو يستشعر لذة العبث في لحم طرى ، ثم أخذ يوزع على الجميع أنصبتهم . فلما هم بوضع قطعة أمام أحلام أدارت وجهها الشهرازا وقلت :

— بلاش يا عمى ، أنا مش طايقه آكل لحمه واللا أشم ريحتها .
وتهلل وجه زينب بالفرح .. فطنت إلى أن ابنته تتوجه ، لقد حملت أحلام دون أن تزف إليها البشرى السعيدة التى كانت تنتظرها ، فرنت إليها في حب وحنان وقلت :

— أجيبي لك حاجه تانية ؟

فقالت أحلام :

— حتت جبنيه قد يده إذا كان عندك .
— عندى يا حبيبى .
وغادرت زينب المائدة وهى تكاد تطير من الفرح ، وغابت قليلا ثم عادت تحمل قطعة من الجبن وضعتها أمام ابنته .
— افضللى يا حبيبى .

واستمر مصطفى في توزيع الأنصبة فوضع أمام زوجته أطيب ما في الديك ، ووضع لعاطف قطعة صغيرة ، فراح عاطف ينظر إليه نظرات

تنطق بعبارات واضحة « هي دي اللي هانت عليك ؟ هو ديك أبيك ؟ »
ولم ينس بالطبع نفسه فقد خصها بطبلة الديك ونصفه الأسفل .

ونظرت إليه زينب وقالت في مجاملة :

— انت ما خدتش حاجه .. خدت العضم .

فقال مصطفى علوان وهو يدس في فمه أسمى ما في الديك :

— أصل أنا أحب امصمص العضم .

وقال حسين مداعبا :

— ما ينوب اللي بيقسم إلا مصمصة صوابعه .

وانهمك الجميع في الأكل وكانت زينب تصوب عينيها إلى نبيلة ، فإذا
ما التقت الأعين كانت تشير لها برأسها إلى أحلام ؛ كانت تسألهما عمما إذا
كانت قد حملت مثل أختها . وقد فهمت نبيلة ما تقصده أمها فهزت
رأسها نفيا ، فظهر القهر في وجه الأم ولوت شفتها السفل ووسعـت
عينيها وهزت حاجبيها وصعرت خديها ، وفهمت نبيلة أن أمها تقول لها
يا خاينيه .

والتفتت سوسن إلى نبيلة وقالت لها :

— والنبي يا نبيله وانتي يا أحلام ما تبقوش تغيبيوا علينا كده .

فأشرق وجه نبيلة بابتسامة ومالت على سوسن ولو لا أن فمها كان

ملوءا بالطعام لقبلتها ، وقالت لها :

— وحشناك يا روحى ؟

فقالت سوسن في بساطة :

— سبب ده دلوقت .

وتحطى مصطفى علوان والتفت إلى زينب وقال :

— إيد ما نعدمها .. كان يوم مبروك يوم ما جيتى وعزمتينا .

وطرق قوله رأس حسين طرقاً عنيفاً فالتفت إلى زينب وكانت ترقبه بطرف عينها ، فلم يرأت كل ملامحه تصرخ فيها : بقى كده ؟ انكمشت وراحت تنظر إلى بقايا الطعام التي أمامها . وأحسست أن ذلك ليس كافياً ؛ إنها تريد أن تفرّ من المكان فنهضت وراحت تلملم ما على المائدة من صحاف وشوك وسكاكين لتخفي قليلاً في المطبخ حتى يسكن روعها . وأسرع سامي يضع على المائدة صحاف الموز والبرتقال ، فلما عادت زينب ورأت ذلك قالت :

— تخلو بالرز بلبن قبله ؟

فقالت أم جلال :

— كفايه كده .. الخير كثير .

فعادت زينب إلى مكانها ، وكأنما أرادت أم جلال ألا ينتهي الغداء دون أن تنغير زينب ، فقالت :

— ساييه نفسك كده ليه يا ست زينب ؟ مش شايفه إنك زدتى

كثير !

وأحسست زينب لسع نقدها يشوّيها ، إنها كانت تزهو برشاقتها .. وهاهي ذي حماة ابنتها التي شد جلداتها على عظمها تسخر منها . وضاقت زينب بتلك السخرية ولكنها كتمت غيظها وأمسكت لسانها .

وقال مصطفى علوان مداعبها :

— ما هو اللي يأكل الأكل ده لازم يسمن .

ورأت زينب الفرصة سانحة لتسخر من حماة ابنتها فقالت :

— فيه ناس الأكل ما طرح ما يسرى يمرى ، وفيه ناس زى العرسه تأكل وتنسى .

وظهر الغيظ في وجه الحماة ، ولم تر منفسا له إلا أن تنهض وتغادر السفرة ، فإذا بالجميع ينهضون ويخرجون إلى الصالة وزينب تسأل كلاما منهم :

— قهوه ولا شاي .

وجلسوا يشربون القهوة ويسامرون ، ونظر شفيق في ساعته وقال :
— ماتش الكوره .

فنهض حسين وضغط على زرار التلفزيون ، وبعد لحظات ظهرت الصورة كشريط في منتصف الشاشة فقال حسين في فرع :

— إيه ده ؟ مين اللي عمل كده ؟

قالت سوسن ، جهاز الإذاعة المنزلية :

— مراد عمله سكوب .

وقال جلال :

— بسيطه .. زرار من ورا يعدل الصوره .

ونهض جلال ليصلح التلفزيون وإذا بشفيق يقول له :

— إيه رأيك يا جلال نروح النادى نترجع الماتش .. أنا ونبيه وانت

وأحلام .

فصاحب عاطف :

— وانا .

ولإذا بزينب تقول :

— لا والنبي ، بلاش أحلام ، بلاش تتمخمض اليومين دول .

انقضى الليل وزينب تتقلب في فراشها لا تغمض لها عين . إن قول حماة ابنتها « سايهه نفسك كده ليه يا سبت زينب ؟ مش شاييفه إنك زدتي كتير » يلهب عواطفها ويخز روحها وخزاً إليها . إنها تستشعر أن جسمها قد أملاً وأنها فقدت كثيراً من رشاقتها ولكنها ما كانت تظن أنه سيأتي ذلك اليوم الذي ستكون فيه بذاتها موضع سخرية ، وما خطط لها على قلب أن تصبح هدفاً لهزء حماة ابنتها .

حاولت أن تغمض عين أفكارها عن ذلك القول إلا أن الصوت المازع كان يفتح في أعماقها فحيح الأفعى ، وصورة المرأة قد انفرج فمها عن ابتسامة صفراء لم تشن عن مرقدها . إنها باتت تتعجل النهار لترى رأيها في هذه السمنة وتعمل على إزالتها .

وأحس حسين تقلبها ذات الشمال وذات اليمين فطار النوم من عينيه ولم يشاً أن يحادثها لعلها تنام ؛ ولما وجد أنها مستمرة في قلقها قال لها :

— مالك يا زينب قلقانه ليه الليله دي ؟ بتتفكرى في إيه ؟

وهمت بأن تفضى إليه بحقيقة ما يشغلها ولكنها وجدت أن الأوفق أن تصبر حتى تجد الحل لمشكلتها ، فقالت لتفر من هواجسها :

— بفکر في أحلام .. بتتوحم على فتاح .

بتفكري في أحلام واللا في نفسك .

ودق قلبهما في صدرها خوفا . ترى هل استشف من قلقها شيئا ؟
وسرعان ما انقضى ذلك الخوف لما قال لها :

— خايفه تبقى جده ؟

— جده ! هو عشان ما اتجوزت صغيره ، حلوه دى .. أنا طول
عمرى ح ابقي ماما زوزو وانت بابا حسين .

وراح يداعبها وهو يقول :

— أنا جدو حسين .

— لا والنبي ما تقولش كده لاحسن بيتهياً لي إنك بقى راجل
مكركب وماشي على عصايه .

وأشرقت الشمس وأسرعت سوسن إلى الحمام وأغلقته خلفها .

وجاء سامي وعلى كتفه الفوطة وراح يفتح باب الحمام ، فلما علم أن
سوسن بداخله قال متأففا :

— هو احنا خلصنا من نبيلة طلعتى انت لنا ؟

وكان زينب في طريقها إلى المطبخ ، فلما سمعت قوله قالت :

— والله هي اللي استريحت من وشك .

فقال سامي في استسلام :

— يا فتاح يا عليم .

وسمع طرق الخذاء على الباب فصاحت زينب :

— مراد ، افتح لاخوك الباب .

وقام مراد يتمطى ، فانلتة قد خرجت من تحت بنطلون البيجاما
وتدللت من الحاكمة ، وذهب إلى الباب وهو بين النائم واليقظان وفتحه
فإذا بعاطف يدخل مهرولا ويقول :

— جبت بيضتين من عند الفراخ .

فخرجت زينب من المطبخ وقالت في إنكار :

— بس ؟

فقال عاطف يفسر لها السر :

— ولقيت في العشه قشر كثير .

ونادت زينب في غضب :

— مراد .. سوسن .

وخرجت سوسن من الحمام وذهبت إلى حيث كانت أمها في
الصالحة ، وجاء مراد وهو يسبل عينيه كأنما يخشى أن يستيقظ ، وقالت
لهما الأم :

— مين فيكو اللي طلع شرب البيض ورمي القشر ؟

فقال مراد في بساطة :

— أنا .

— تبقى حرامي .

— لأ ما ابقاش حرامي ، أنا شربت نصبي ، ولا يعني يطلع عاطف
كل يوم يلهف البيض وحده .

فقالت زينب لتهى الموضوع :

— أنا حاجيب قفل للعشة .

ووضعت صينية على مائدة الصالة عليها علب الجبن والزيتون والحلوة الطحينية ، ووضع إلى جوارها خبز فجاء الأولاد يأكلون . راح سامي يتناول إفطاره في عجلة وهو واقف وفي يده كتاب يقرأ فيه
فقالت له الأم :

— ما تقدعد تأكل يا سامي ، واللا عايز الأكل ينزل في رجليك ؟

فابتسم سامي ابتسامة خفيفة ساخرة ، ثم انصرف فقالت له الأم :

— باقول لك اقعد مش باقول لك امشي .

وجاء عاطف وفي يده بيضة سلقها وراح يقشرها ، فلما انتهى منها خطفتها سوسن ودستها في فمها فراح عاطف يصرخ وييكي ، فجاء أبوه وقد ارتدى ملابسه وقال له :

— بس بلاش عياط .

فاستمر عاطف ييكي ويشير إلى فم سوسن :

— البيضه .. البيضه ..

— طب اسكت وخد قرش .

فكف عاطف عن البكاء ومد يده وقال :

— هات .

وأخذ عاطف القرش واندفع خارجا ، وانصرف الجميع ولم يبق في الدار غير زينب فذهبت إلى الشرفة ووقفت ترقب شرفة جارتها ، فلما

لختها حيتها ثم دار بينهما حوار ، قالت زينب :

— مش عارفه اعمل ايه ؟ ما باكلش وعماله اتخن .

— خسسى روحك .

— ياريت ابس ازاي ؟

— فيه صابون ييخصس ..

— هو فين ده ؟

— في بلاد بره ولسه ما جاش .

— يعني ح استنى لما ييجى .

— لا ياختنى ، فيه حبوب بتخصس في شارع الشواربى بس غالىه
موت .

ولم تنتظر . انسلت من الشرفة وانطلقت إلى شارع الشواربى .
وعادت إلى البيت وراحت تخلع ملابس الخروج ، وإذا بمحرس الباب يدق
دقا مستمرا . إن إصبعا ضغطت على الزر ولم ترتفع عنه فصاحت في
ضيق :

— طيب يا سوسن جايه .. جايه أهه .

وفتح الباب ودخلت سوسن فقالت لها أمها تهرها :

— مبيت مره قلت لك ما تحطيش إيدك ع المحرس على طول .

وعادت زينب تستأنف خلع ملابسها وإذا بالمحرس يرن في رفق .

قالت زينب :

— سوسن افتحي الباب ، بابا جه .

ودخل حسين فوجد زوجته تخلع ملابس الخروج فنظر في دهشة
وقال :

— إنتي خرجتني ؟

— خرجت ادور على حبوب التخسيس .

— حبوب التخسيس ؟

فقالت في اعتاب :

— إنت ما سمعتش أم جلال قالت لي إيه ؟ عصا عيص التقريره
بتتمسخر على .. أنا .. أنا لازم أخس يا حسين .

— يا زينب اعقلني .

— أنا اتفقت مع الرجال خلاص ، قلت له يحضر لي الحبوب عمال ما
اجيب له الفلوس .

فقال في سخرية :

— وكم الفلوس دي ؟

— الكورس بعشره جنيه .

فقال وهو يخلع كرافنته في غيظ :

— وح تخدى كام كورس ؟

— ستة بس يا حسين .

— يعني ح ادفع ستين جنيه عشان تخسي ، ويأ تخسي يا متخسيش !

فقالت في صوت فيه تحيب :

— يعني مستخسر في ستين جنيه بعد العشره الطويله دي كلها ؟

— لأش مستخسرهم .. بس أجيهم منين ؟

— استبدل لي جنيه من المعاش .. اشمعنى استبدل لأحلام .

وارتفع صوت حسين ، قال في انفعال :

— أستبدل لك جنيه ؟ لما جوزت أحلام قلت في الطلب إنى ح اجوز
بنتى ، أقول إيه في الطلب بتاعك ؟ أقول عايز استبدل جنيه عشان
أحسن مراتي !؟

ووصل صوت الأب إلى مسامع سوسن فجاءت ووقفت تسترق
السمع ، سمعت أباها يقول :

— ده كلام فاضي .. دى قله عقل .

قالت زينب وهي تبكي :

— ده جزائي .. دى آخر عشرتى معاك .

وتركت الغرفة غاضبة وقد تركت دموعها تسيل على خديها دون أن
تحاول أن تكشفها ، واندفعت كالعاصفة إلى غرفة البنات وأغلقت
الباب خلفها في عنف .

ودخلت سوسن على أبيها وقالت له :

— إنت طلقتها خلاص ؟

فارتسمت ابتسامة كبيرة على وجه حسين .

جلست زينب ترفو جوارب أبنائهما وتحاول أن تتبع الرواية التي كانت تجري أحداها على شاشة التلفزيون ؛ وجلست سوسن تتبع الفيلم باهتمام ، وراح عاطف يقول في ضيق :

— ما تخلصونا بقى ح تفلقونا على إيه ؟ ما احنا عارفين في الآخر تجوزوا .

وقفت الأم عن رفو الجورب الذي في يدها وقالت :

— وطي حسك ، سامي ومراد بيذاكروا .

فقال عاطف في صوت خافت :

— ماما . هي كل الروايات لازم يتجوزوا في آخرها ؟

— مش كلها يا عاطف .

وجاء الأب يشارك أبناءه جلستهم ، فلمارأى سوسن أمام التلفزيون قال لها :

— إنتي مش ح تذاكري يا سوسن ؟

فقالت دون أن تلتفت إليه :

— لما تخلص الرواية يا بابا .

(الحفيد)

فلما هبطت الدرج أغلقت زينب الباب خلفها في ترفة ودخلت تقول :

— بنات آخر زمن . جياله لغاية هنا برجليها .

وراحت تقلدها في مبالغة وهي تماوج :

— سامي موجود يا تانت ؟ قال تانت قال ، إحنا ما كناش بنات !
ونهضت سوسن فقد ستح لها فرصة نقل خبر ، وانطلقت إلى
حيث كان سامي وقالت له :

— واحده جت سألت عليك ، ماما قالت لها مش موجود .

وألقي سامي الكتاب الذي كان في يده في غضب وخرج إلى حيث
كانت أمه ، وسوسن خلفه مبتسمة تقفز من الفرح قفزا ، ترقب في سرور
ما مستسفر عنه المشادة المرتقبة ، وقف سامي أمام أمه وقال :
— حد سأّل على ؟

فقالت أمه دون أن ترفع عينيها عن الجورب الذي كانت ترفوه :

— سامي ، أنا مش عايزه المسخره دي تحصل تاني .

— مسخرة إيه ؟

— إزاي مقصوفة الرقبة دي تيجي لغاية هنا تسأّل عليك ؟
ولاحظ الأب أن سامي سينفجر في أمه فقال ليحمد النار المتأججة في
صدر ابنه :

— واحده اسمها جيهان سأّلت عليك .

— وما ندھتوليش ليه ؟

فقالت الأم في انفعال شديد :

— هو اللي كان ناقص .

— إيه هو اللي كان ناقص ؟ دى زميلتى فى الفصل زى ما نبيله لها
زملاء رجاله فى الفصل .

فهبت الأم ثائرة كأنما جرح كبر ياءها وقالت :

— ما تقولش كده .. أنا بنتي مؤدبه ؟

— ومن قال إن جيهان مش مؤدبه ؟

— لو ما كانتشى بمحجه ما كانت جت برجليها لغاية هنا .

— فيها إيه لما جت لغاية هنا ؟ هو ده مش بيت محترم ؟

وأحسست زينب أنها ستهزم إذا ما استمر الحوار فالتفتت إلى زوجها
وقالت :

— ما تشوف ابنك يا حسين !

فالتفت حسين إلى سامي وقال :

— روح ذاكر يا سامي ، حصل خير .

فقال سامي وهو ينصرف :

— تكدبوا وتقولوا إن أنا مش هنا وبعدين تقولوا حصل خير !

وغاب سامي في غرفته فقالت زينب لزوجها :

— والله ما ح يخسرهم إلا تطربتكم دى ، ياراجل خليلك حمش مره .

وكأنما لم يعجبه كلامها فانسحب إلى غرفة النوم ، فقامت زينب

خلفه وراحت تقول :

— أنا عايزة أعرف اللي بينه وبينها ؟

فقال حسين في هدوء :

— ح يكون بينه وبينها إيه ؟ زميلته في الجامعه وبينه وبينها صداقه
بريهه .

فقالت في غيظ وقد أخذت ثوبها عند صدرها بين أصابعها وراحت
تهزه :

— بريه . بريه ! قال صداقه بريه قال .. هو فيه في الدنيا دي صداقه
бриهه !

— عيبك إنك دائمًا تسيئي لظن الناس .

— لا ... نحط الكبريت جنب البنزين ونقول صداقه بريه ، يا راجل
فوق بقى ، اسألني أنا دا كله تحت باطى .. ح يسجى واد مفعوص زي
ده ع الآخر ويأكل بعقلى حلاوه .

— اسمعى نصيحتى يا زينب ، إن جت سألت عليه مره تانىه قولى لها
أفضلى .

فقالت ساخرة :

— وادخلها على فين ؟ على أودة النوم !
وأعرض عن قولها واستمر في حديثه قائلاً :
— مش أحسن لما يتقابلوا قدامنا من إنهم يتقابلوا من ورانا ؟
— وايش عرفة انهم مش ح يتقابلوا من قدامنا ومن ورانا .
— بلاش كلام فارغ ، إذا عرفوا إننا يشق فيهم مش ح يكدبو علينا .

فقالت في تهكم :

— اسم الله يا بشق . فوق يا بحويها فوق دا جيل يعلم به ربنا .
وخرجت إلى حيث كانت سوسن وعاطف وكانا يتبعان الفيلم .
فلما رأت سوسن أمها اتجهت إليها وقالت :
— ماما .. إزاي واحده ست تحبل من غير ما تتجوز ؟
فقالت زينب في فزع :
— آخرسي يا قليلة الأدب .
وأرادت سوسن أن تنفي عن نفسها ما أغضب أمها فقالت :
— أنا مالي ، التلفزيون اللي بيقول كده .
ونظر عاطف إلى سوسن وقال لها :
— سيبك من ماما ، تعالى أنا أفهمك .
فهبت زينب ثائرة واندفعت إلى حيث كان حسين وراحت تولول :
— يا خرابي .. يا خرابي .. جيل آخر زمن .

وضعت زينب الهدايا التي ستحملها إلى ابنتها نبيلة في كيس من البلاستيك . لقد زعمت أن ابنتها أو حشتها كثيراً وأقنعت زوجها أن يشتري شيكولاتة وأشياء أخرى فما يليق أن تدخل إلى ابنتها خاوية اليدين . صدق الرجل أن ذهاب زينب إلى ابنتها إن هي إلا زيارة بربقة وما خطط له على قلب ما كان يدور في رأس الأم .. إنه كان يحب أن يذهب معها إلا أنه كان مضطراً إلى العودة إلى عمله بعد الظهر فنهاية السنة المالية على الأبواب ، وكان عليه أن يقفل حسابات السنة التي تجري بخطوات واسعة لتصبح في ذمة التاريخ !

كان يتوجه خروج زينب ليخرج ، ولكن زينب من عادتها أن تتكلّأ كثيراً قبل أن تغادر البيت . إنها تعيد ترتيب كل شيء ، تلتفت قصاصات الورق من الأرض ، وتبسط الستائر التي تكون قد جمعت ليدخل النور ، وكانت دائماً تعود إلى غرفة النوم بعد أن تصعد إلى باب الخروج لتلتفت شيئاً نسيته أو تتأكد من أنها أحكمت إغلاق بابها .

وفي أثناء هزها للستائر قال لها حسين :

— ح تروحى لوحدك ؟

فقال عاطف :

— أنا ح اروح معها .

فقال الأب :

— مش كنت خدت حد كبير ؟

فراح عاطف يفرد طوله ويشب على قدميه وقال :

— طب ما أنا كبير اهو .. أنا بقيت راجل .

وابتسم حسين وقالت زينب لعاطف :

— ياللا يا راجل .

وفتحت زينب الباب لتخرج ، فقال حسين ساخرا :

— ما نستيش حاجة ؟

فدارت زينب على عقبيها وقالت :

— فكرتني .. الجنونى .

وعادت تفتح باب غرفة النوم التي أغلقتها بالمفتاح ، واتجهت لتحضير القفاز وحسين في الصالة ينفع ضيقاً وعاطف يتململ في وقوته ، وعادت تحمل الكيس في يده والقفاز في اليد الأخرى وذهبت لتخرج ، ولكنها قبل أن تغادر الباب ثبتت ظرف حذائتها على الأرض ورفعت كعبه والتمنت تنظر إلى ساقها ثم قالت لزوجها :

— والنبي يا حسين شوف الشراب معدول .

— معدول يا ستي .

ولما اطمأنت إلى حسن هندامها تحركت ، فقال لها حسين :

— خدو تاكسي .

فقالت في براءة :

— والأتوبيس ماله .. ليه العزقة اللي ما لهاش لازمه ؟ ما كل الناس
يتركب الأتوبيس :

وخرجت زينب وعاطف إلى جوارها مزهوا بنفسه ، وراح حسين
يتبعهما بنظره ، وقد كست وجهه موجة إشفاق وسخرية ، إشفاق على
نفسه وسخرية من زوجته العاقلة المدبرة !

واندست زينب في الأتوبيس والمحشرت بين الواقفين وأوقفت عاطف
أمامها ، إنه يتنفس بصعوبة من الزحام الذي يضغطه ضغطا .. وأحسست
زينب بشاب يتحرك خلفها فالتفت إليه فلم ترتع إلى هيئته ، فراحت
تنقل عاطف من أمامها إلى خلفها ولم يكن ذلك أمرا ميسورا . وأصبح
أمامها رجل يرتدي ملابس رياضية وقد أمسك العمود الذي تعلق به
الواقفون بيده يزرين معصمها ساعة ذهبية .

ورأت يد الشاب الذي كان خلفها تتحرك في خفة وفي حركة خاطفة
تخلع الساعة من الرجل الواقف أمامها فصاحت صبيحة لا إرادية :

— الساعة ..

فالتفت الرجل الذي سرق الساعة في سرعة وقبض على يد
النشال وفي يده الساعة الذهبية ، وقال له في وعيد :

— آه يا حرامى !

وراح النشال يستعطف الرجل :

— خلاص يا بيه .. ساعتك معاك .. أنا غلبان وعندى عيال .

— أنا عارف ألاعيبكم ، عارف كل طرق النشل بتاعتكم .

— خلاص يا بيه .. ح تاخد إيه من حبسى ؟ .. ح تجوع عيالي ..

سيبني الله يسترك .

فقال الرجل هازئا به :

— مش ح اسيبك إلا لما توريني نسلتها أزاي من أيدي .

— أمرك يا بيه .. ارفع إيدك زى ما كنت رافعها .

ورفع الرجل يده وأمسك بقبضته العمود الأفقي الذى يتعلق به الواقفون ، وفي خفة خاطفة نشل النشال الساعة وقال وهو يقفز من الأتوبيس :

— نسلتها كدا هوه .

وأطلق النشال ساقيه الريح وانفجر ركب الأتوبيس يضحكون ، والرجل الناصح غارق في الخجل .

ودخلت زينب وعاطف على نبيلة ، فوضعت زينب الكيس البلاستيك الذى مليء بالهدايا على أول منضدة قابلتها ، وراحت تقبل ابنتها التى قادتها إلى غرفة الاستقبال وزينب تقول :

— نقعد هنا يا نبيلة ، هو احنا غرب ؟

وجلستا تتحديثان ، وفيما هما تتحاوران قالت الأم :

— ما جبتيشى لنا حاجه حلوه كده زى أحلام ؟

فقالت نبيلة في بساطة :

— لا .. أنا متفقة مع شقيق إننا ما نختلف إلا لما اخلص الجامعه .

— وليه بقى يا بنتى ؟ ما في الجامعه ستات كتير مختلفه .

— بيقول لي تروحى الجامعه إزاي وبطنك علو كده .

وتشير بيدها إشارة فيها مبالغة :

— ما ستات كتير بتروح الجامعه وبطنها علو كده .

فقالت نبيلة في إنكار :

— أروح الجامعه كده ازاي ؟

— يا بنتي البكريه بطنهما ما بتبنيشى ، وفي الشهور الأخيرة البسي
هدوم واسعه .

— دا شقيق يقول لي تعمل ليه لو ولدتى في الامتحان والا قبل
الامتحان بجمعه ؟

— يا بنتى دى تلاكيك ، يعني كان منشن على الامتحان ؟ دا بنس هو
مش عايز يرتبط بحاجه ، عايز يفضل حر . إن ما ربطهش بعيل مين
عارف يمكن يطير .

— يا ماما شقيق مش من دول .

— كلهم يا بنتى من دول .. اسأليني أنا ، أمال أنا خلفت سبعه ليه ؟

— سبعه يا ماما ؟ الأيام دى راحت خلاص .. مين في اليومين دول

بقدر على سبعه ؟ يجيبي لهم صحيه مين ؟ يجيبي لهم فلوس مين ؟

— الصحيه ربنا بيديها على قد ما بيدي العيال .. واغلبية العيال يغلبوا

بالمال .

— كفايه يا ماما واحد واللا اتien .

— دا الكلام الفارغ اللي بيعلموه لكم اليومين دول .

— مش كلام فارغ يا ماما . كفايه واحد .

— بس هاتي الأولاني وانت نفسك ح تفتح لهم ، ح تدوقى للذتهم .

وراح عاطف يأكل الشيكولاتة التى قدمتها له أخته ، إنه لم يكتفى
بقطعة أو قطعتين ، لقد ذاق لذتها فانفتحت لها نفسه .

ونهضت الأم لتنصرف فقالت لها نبيلة :

— ما بدرى يا ماما .

— نروح قبل الدنيا ما تضلمنا علينا .

— استنى شويه زمان شقيق جاي يوصلكم .

تفتح حقيبة يدها وتبحث فيها ثم تقول :

— نسيت المشط .

فتلتفت نبيلة إلى عاطف وتقول له :

— هات يا عاطف المشط من أودة النوم .

يدخل عاطف غرفة النوم ويتجه إلى التواليت فلا يجد المشط ، يفتح
الدرج فيجد مشطاً ويجد في الدرج مانع للحمل ، يتناول المشط ويدسه
في جيبه ، ثم يأخذ مانع الحمل ويفرخه ويخرج إلى حيث كانت أمه ونبيلة
وقد امتلاً العازل بالهواء وأصبح في حجم الباذنجانة السوداء الطويلة .
ورأت نبيلة ما يفعله أخوها فهرولت إليه وخطفت منه العازل في شدة
ورأت الأم ما فعلته نبيلة دون أن تفطن إلى الدافع لها على ذلك فقالت في

عتاب :

— مالك خضيبي الولد كده على حنت زمارة ؟
وفتح الباب ودخل شفيق ، فتنفست نبيلة الصعداء وقالت :

— أهو شفيق جه .. اقعدى معاه شويه يا ماما .

— معلهش يا بنتى مره تانىه .. اتأخرنا .

— طب شفيق يوصلكم .

فقال شفيق في رقة :

— اتفضلوا ..

وركبت زينب في المقعد الخلفي للسيارة وجلس عاطف إلى جوار
شفيق وانطلقت السيارة ، فإذا بعاطف يلحظ أن في مؤخرة السيارة التي
أمامهم لوحة كتب فيها (E . T) فقال لشفيق وهو يشير إلى اللوحة .

— يعني إيه (E . T) يا أنكل ؟

— يعني أوعى تتشعبط .

وضحكـت زينب ونظرـإليـه عاطـف عـاتـبا ، فـلـمـا وـصـلـوا هـبـطـتـ زـينـب
وـهـى تـقـولـ :

— اطلع يا شفيق ما يصحـشـ عـمـكـ فوقـ .

فـقالـ شـفيـقـ مـعـتـدـراـ :

— مرـهـ تـانـيـهـ ياـ تـانـتـ .. عـنـدـىـ شـغـلـ كـتـيرـ اللـيلـهـ دـىـ .

وـعادـ ليـجدـ نـبـيلـةـ فـيـ الفـراـشـ تـنـتـظـرـهـ ، فـراـحـ يـخـلـعـ مـلـابـسـهـ ثـمـ اـتـجـهـ يـحـضـرـ
ماـنـعـ الـحـمـلـ ، فـلـمـ يـجـدـهـ فـلـمـ سـأـلـهـاـ عـلـيـهـ قـالـتـ لـهـ وـهـىـ تـضـحـكـ :

كانت زينب تغدو وتروح في قلق ، وكان حسين يذهب إلى الشرفة وينظر وتطول مراقبته للطريق ثم يعود ليدور في حجرات المنزل . ونظرت زينب إلى الساعة المعلقة في الصالة فإذا بها تستشعر أن دقات قلبه تعلو على صوت البندول .. ولم تستطع أن تستقر فانطلقت إلى حيث كان زوجها وقالت له :

— الساعه بقت تسعه يا حسين ومراد بجاشي من المدرسه .

فخرج سامي من غرفته وقال :

— دلوقى ييجى ح يروح فىن ؟

فقالت زينب في صوت مخنوق :

— دا ما تغداشى يا عينى .

فقال حسين ليطمئن نفسه :

— تلاقيه أتغدى مع حد من صحابه .

— دا ما تعودش يتآخر لغاية الساعه دي .. لو كان راح يلعب كوره كان زمانه جه . ما فيش الا إنه ركب بسكلته وهفه أوتومبيل .

وفزع حسين وقال لها :

— يا شيخه افتکری حاجه عدله ، هو انتى ما تفکریشی في خیر
أبدا ؟

فقالت زینب مولولة :

— ح ييجي الخير منين والواد بره لغاية دلوقت .
وأراد حسين أن يفر من تشاومها فذهب إلى الشرفة وراح يطل على
الطريق وهو قلق ، وطالت وقوته فقلقه أهون من ذلك الوخز الذي بمخز
روحه كلما تحرك لسان زوجه بالشر .

وراحت الهواجس تعبث به فرأى أن يفر منها إلى زوجته . فدخل فإذا
به يسمع زینب تقول لسامي :

— روح يا سامي شوف أخوك فين ؟

فقال سامي في ضجر :

— أذور عليه فين ؟ في مصر كلها !

فقالت زینب في توسل :

— شوفه عند حد من صحابه يا حبيبي .

فقال سامي وهو يولي أمه ظهره :

— هو داله صاحب والا اتنين ؟ دى المدرسه كلها صحابه .

ولإذا بعاطف يأتي ويتوسط الصالة وهو يقول :

— والمدرسين كمان ، دا قال ..

ولم تدعه أمه يتم حديثه بل دفعته وهي تقول :

— والنبي تغور من وشى دلوقت .

ورأت حسين مقبلاً من الشرفة فهرعت إليه وقالت :

— روح يا حسين شوفه مرمي في القصر العيني واللا في أى مستشفى .

وظهر في وجه حسين الذعر وخفق قلبه في فزع وقال في ضيق :

— ما تفتكرى خير .

فقالت وقد اختنق صوتها بدموع تود أن تسكب على خدها :

— أمال يعني ح يكون فين لغاية دلوقت .

ودخلت سوسن إلى الشرفة ثم عادت تقفز فرحاً :

— مراد جه .. مراد جه ..

وارتى الأب على مقعد قريب واستنشق نفسها طويلاً ثم زفره في راحة ، وإذا بزینب تقترب منه وتقول له :

— لما يطلع اشخط فيه ، خوفه مره ، بلاش التطريه دي .

فقال حسين وقد تبخر قلقه ورد إليه طبعه الهدىع :

— مش لمانشوف كان فين ؟

وفتحت سوسن باب الشقة وأسرع عاطف ليستقبل أخاه في منتصف السلم ، فلما قابله قال له متوعداً :

— دي ماما ناويالك نيه .

وصعد مراد صامتاً ، فلما وصل أمام الشقة استقبلته سوسن وقالت

له وقد وضعت يديها في وسطها وهزت نصفها العلوى يينا وشمالاً :

— كنت فين يا اخويأ لغاية دلوقت ، دي ليلتكم مش فاپته .

(الحفيد)

وأطلت زينب من الإباب ومدت يدها وقبضت عليه وجذبته حتى
أمسي في منتصف الصالة وقالت له :

— داير على حل شعرك ، مالكش أهل تقول لهم رايح فين ؟ الساعه
بقت عشره ؟ بقينا نص الليل وانت في الشارع من طلعة النهار .
وأطرق مراد ولم ينبعس بكلمة وإن كانت أمه تلكره في صدره لتنفس
عن الغيظ الذي كاد ينشرها أشلاء ، ونهض حسين وقال لأمه في رقة :

— كنت فين لغاية دلوقت يا مراد ؟
فقال مراد وهو يستشعر أهي لأنه سبب لأهله كل ذلك القلق :
— واحد صاحبى معاه عربى قال لي تعال معايا نروح القناطرنجيب
حاجه من بيتنا ، قلت له أنا ما قلتتش انى ح اتأخر ، قال لي مش ح
نتأخر ، ورجت معاه ، واحنا راجعين انقطع سير العربى ما قدرناش
نرجع إلا لما اشترينا سير تانى .

فقالت له أمه :

— لما انقطع السير ما سبتوشى ورجعت ليه ؟
— ما كانش معايا فلوس ، وإن كان معايا فلوس ما كنتش ح أسييه ،
احنا خرجننا سوا لازم نرجع سوا .

فللكرته أمه في صدره وقالت :

— شهم قوى .

وأراد حسين أن يضع حدا لهذه المشادة فقال :
— طالع لامه .

ونظرت إليهم نظرة فيها سخرية وقالت :

— والله انتوا بتلعوا .

وقال سامي في ضجر :

— عايزين نتعشى عشان نذاكر .

فقالت زينب وهي ترمي مراد بنظرة غاضبة :

— البركة في اخوك اللي سد نفسنا .

وذهبت تعد لهم العشاء ودخل مراد يبدل ثيابه ، وتذكر حقيقة ما
كان .. إنه كان مع زميل من زملاء المدرسة حقا وركب معه سيارته حقا
وانطلقا إلى القناطر حقا . كان صادقا في كل ذلك ، أما الشيء الذي
أخفاه فهو أن إلى جوار صديقه كانت فتاة ، وإلى جواره في المقعد الخلفي
فتاة أخرى ، وقد قطع شيء حقا ولم يكن ذلك الشيء سير المروحة بل
حالة قميص الفتاة التي كانت تجلس في المقعد الأمامي إلى جوار صديقه !
ودق جرس الباب فذهب حسين وفتحه ، فإذا بجيحان أمامه تسأله :

— سامي موجود يا أنكل ؟

قال حسين وهو يفسح لها طريقا :

— أيه يا بنتي اتفضلي .

ودخلت جيحان في خطوات ثانية ، وراح عاطف وسوسن ينظران
إليها في فضول وسرعان ما جرت سوسن إلى حيث كان سامي ، وقالت

جيحان :

فإذا به يرد عليها بكل ملامحه وحركات يده ليقول لها : وفيها إيه ؟
ووقع بصرها على عاطف فراحت تشير له أن يدخل معهما ، فسوسن
قد عادت لجلس أمام التلفزيون . وأطاع عاطف أمها فدخل ، وشمت
زينب رائحة شيء يحترق فهرعت إلى المطبخ وأنزلت البيض الذي صار في
لون الفحم ، ثم عادت لتابع ذلك العبث الذي يجري تحت بصرها
وسمعها .

وخرجت جيهان وإلى جوارها سامي وخلفهما عاطف ، كانت
جيها تحمل نوت المحاضرات التي افترضتها ، ومدت يدها تصافح سامي
وتقول له :
— متشركه .

وسارت حتى إذا ما وصلت إلى حيث كان حسين قالت له :

— مساء الخير يا عمى .

فقال لها حسين في صدق :

— ما بدرى يا بنتى ، استريحى م السلم .

— مره تانية يا عمى ، بابا مستنى تحت .

فقال حسين :

— ما يصححش ، انزل يا سامي وقول له يفضل .

وتحرك سامي فإذا بجيها تمنعه وتقول :

— ما تتعبيش نفسك ، مش ح يطلع .

— ليه يا بنتى ؟

— أصل بابا يينكسف .

ولحت جيهان زينب وقالت لها :

— مساء الخير يا تانت .

ووسعت جيهان خطوها وانصرفت لا تلوى على شيء ، وارتقت

زينب متهالكة على مقعد قريب وقالت :

— لو كان يينكسف ما كانشى جاب أم وش عريان دى .

جلست أحلام تستشعر غبطة في أعماقها . كانت سعيدة لأنها على
وشك أن تتحقق رسالة كل أنسى في الحياة ، وكان جلال مزهو برجولته
رافع رأسه لكانما كان أول رجل أنيج ، وكانت زينب متلهلة بالفرح فلو
أنها قد جاءت بسبعة أبناء إلا أن سرورها بأن ابنتها ستصبح أما كان يفوق
كل سرور ملائكة .

ورنت زينب إلى ابنتها في حب وقالت :

— إزيك دلوقت يا أحلام ؟

فقالت أحلام :

— لسه راجعين من عند الدكتور ، قال لي عندك شوية زلال .

وبسطت أحلام ساقها لترى أنها أن بها بعض الورم .

فقالت الأم وهي تشوح بيدها مستنكرة :

— دكتور ؟ دكتور إيه ، أنا خلفتكم كلكم ما رحتش ولا مرأة
لدكتور .

فقال جلال :

— وقال لها لازم تمشي كل يوم .

أول ما تحسى بوجع تيجي ع المستشفى على طول .

فقالت زينب في فرع :

— مستشفى ؟ مستشفى إيه يا بنى ، ده احنا عمرنا ما دخلنا
مستشفى ، طول عمرنا بنولد في البيت .

فقال جلال في هدوء :

— الدنيا اتنورت يا تانت .

ولم يعجب ذلك زينب فقالت :

— اتنورت إيه يا جلال ؟ ده محن ستات .

وارتفع صوت التليفزيون حتى كاد يغطى على حديث الولادة ،
فصاحت زينب في غضب :

— بت يا سومن ! ح توطى صوت التليفزيون ده والا ح اقوم
اطفيهولك ؟

وأسرعت سومن وخفضت الصوت ، فعاد جلال يقول :

— في المستشفى يا تانت استعدادات .

— استعدادات ليه ؟ يا بنى الولاده فيها حاجه ؟ أنا لما ولدت عاطف
قمت بعدها على طول وغسلت كوم غسيل قد كده وطبخت العشا ،

واللا كنت ح اسيهم من غير عشا ؟

— ما كانش البكرى يا تانت .

فالتفتت إلى ابنتها وقالت :

— والله ما ولدت ولاده أسهل من ولادة أحلام ؛ الفلوس اللي ح

نحطها في المستشفى نعمل بيهم سبوع نفرح ونفرج الجيران .

— ما تولد في المستشفى ونعمل السبوع برضه .

ولم يعجب زينب رأيه فقالت :

— أنا واحده صاحبتي ولدت في المستشفى ، أول ما شافت ابنتها عضته في كفه ، والعجيبة إن تاني يوم جابوه لها هو بعينه .

قال جلال معقبا على زوجه :

— وإيه العجيبة في كده ؟

قالت أحلام لتجد مبررا للولادة في بيت أمها :

— بيقولوا الأولاد بتبدل في بعض .

وأسرعت زينب تشد أزر ابنتها قالت :

— أنا ما طقشى ضنايا يبعد عن عيني ثانية .

ودخل عاطف ورأى أمه قدمت بعض الحلوي لأنخته وزوجها فمد يده ليتناول منها ، فإذا بأمه تقول له :

— عيب يا عاطف .

قال جلال وهو يقدم قطعة حلوي إلى عاطف :

— سبيه يا تانت .

قالت زينب وهي ترمي ابنتها بنظرة شزراء :

— بعددين يانحد على كده .

— ما فييش حد غريب .

— ما الخوف ليعمل كده قدام الغرب .

وقالت لعاطف :

— امشي العب تحت .

فقال عاطف :

— طب هاتي قرش .

وأخذ القرش ومر إلى جوار سوسن وهي تتبع الإعلانات في التلفزيون
فرماها بنظرة هازئة ، ثم اتجه إلى الباب وما إن فتحه حتى ارتطم بأبيه فقال
له أبوه :

— بتعجّري كده على فين ؟

فقال في فرح من قام بمعجزة :

— رايح اضيع ، خدت منها قرش .

ودخل أبوه فلما لمح أحلام وجلال صاح مرحبا :

— أهلا جلال ، أهلا أحلام .

وجلس وظهر على جلال الارتياح ورأى أن يشركه في الحديث ،
كان واثقا من أن حمأه سيقف إلى جواره ولن يخذلك قال :
— كنا بنتكلم في موضوع ولادة أحلام ، أنا رأى أنها تولد في
المستشفى ورأى تانت إنها تولد هنا .

فقال حسين في بساطة :

— أنا ماليش رأى ، الرأى لأحلام .

وكأنما وجدت أحلام أنها تستطيع أن تفصح عن رغبتها دون أن يثور
زوجها ما دامت في حمي والديها فقالت :

ودخل الأب يخلع ملابسه . وفي أثناء عودة زينب مرت بسوسن فإذا
سوسن تعترض طريقها وتقول لها :
— ماما .. أنا عايزة استعمل اللولب .

فلكرتها أمها في صدرها ثم وضعت يدها على فمها وقالت لها :
— ح اقطع لسانك .

فقالت سوسن في براءة :
— وانا مالي ، ما التلفزيون بيقول استعملوا اللولب .
— قطبيعه تقطعلك وتقطع التلفزيون . لمي لسانك قبل ما اهرسك
برجليه .

ولم تخف سوسن ولم تدخل لسانها في حلقتها ، كان هناك شيئاً تريده
أن تعرفه فقالت في هدوء :
— يعني إيه اللولب يا ماما ؟

وراحت زينب تتلفت في حيرة ، إنها تحس أنها وقعت في فخ فلم تجد
لها منفذ إلا أن تنشر ابنتها ، فقالت لها :
— يعني اتكلتمى بقى وريحيينى من غلبتك دى .

١١

دق جرس الباب فهرعت سوسن تفتح فإذا بسامي وجيهان يدخلان
وإذا بدهشة عريضة ترتسم على وجه الأم ، وقالت جيهان في هدوء :
— مساء الخير .

فقال حسين دون أن يظهر في وجهه أي انفعال :
— مساء النور .

ورمقته زينب في استغراب كيف أن ما يراه لا يثير غضبه ولا يجعل
الدم يفور في عروقه ؟ إنها همت بأن تعترض على ابنتها الذي خدش حرمة
البيت الذي كان في قدسيّة الجموع قبل أن يدنسه الجليل الجديد بتصرفاته
الوحقة الحمقاء ، إلا أن حسين نظر إليها نظرة حازمة شلتها عن كل حركة
وإن لم تخمد النار المتلذذة في أحشائهما ، وقال سامي قبل أن يدخل غرفته
خلف جيهان :

— اعمل لنا شاي والنبي يا ماما .

وكاد ذلك يفجر ثورتها وإذا بحسين يقول في حزم :
— اعمل لهم شاي يا زينب .

وفطنت الأم بغيريتها إلى أنها إذا ثارت فسيقف الأب إلى جوار ابنته ،

فرأة أن خير ما تفعله ألا تشير زوبعة في غير أوانها وأن ترصد الريح حتى إذا ما كانت معها آثارتها عاصفة لا تهدأ حتى تقتلع ذلك الخطر الذي يهدد أمن بيتهما .

والتفتت إلى مراد وقالت له :
— اعمل لهم الشاي .

ودارت على عقبيها للتسلّب بعيداً للتعبير عن استيائهما ، وقبل أن تغيب في حجرتها قالت :
— ادخل يا مراد ذاكر معاهم .

ورفت بسمة هادئة على وجه حسين وأراد أن يلحق بزوجته يحاورها ، فقال لسوسن وعاطف اللذين كانا جالسين أمام التلفزيون :
— مش كفايه بقى وروحوا ذاكرها .. أفتكر لو امتحنوكوا في برنامج التلفزيون تاخدوا عشره من عشره .

قالت سوسن :
— والنبي ح اذا كر يا بابا لما تخلص الروايه دي .
وانسحب حسين وذهب إلى حيث زوجته فألفاها تضع يدها على خدها فقال لها :

— مالك ؟
— عاجبك اللي حصل ده ؟ عاجبك يجيئها لغاية هنا واحنا قاعدين نتفرج ؟
— ما هي معاه طول النهار في الجامعه .

فقالت وإن أحسست أن منطقها قد يهتز :

— هناك ناس كثير .

— وهنا أهم تحت عنينا والباب مفتوح .

— بس اشمعنى البت دى ؟

— زميلته ، فيها إيه لما اثنين يذاكروا مع بعض .

— وليه ما تذاكرش مع بنت زيه وهو يذاكر مع ولد زيه ؟

— وفيها إيه لو ذاكرت بنت وولد ؟

فقالت وقد نهضت غاضبة :

— يا ناري ، فيها كثير يا سى حسين ، فيها كثير قوى واللا انت

نسين ؟

ولم تعيشه ووأدب سمة أرادت أن تولد على شفتيه . فقد كان يلذ له
الحوار الذى يدور بينهما وإن أصابه بعض رذاذ لسانها . وراح تغدو
وتروح في غضب ، ووقفت فجأة فقد أنارت فكرة في ذهنها فقالت :

— ما هى نبيلة في الجامعه ، تقبل إن نبيله تذاكر مع زميل لها في بيته
أو في بيتها ؟

قال ببرود :

— الموضوع ده ما بقاش يخصنى ..

ولم تحتمل ذلك القول فقالت في غضب :

— أمال يخص مين ؟

ولم يخرجها غضبها عن هدوئه قال :

— يخص شقيق .

ولتحت سامي يخرج بصينية الشاي ويدهب بها إلى المطبخ ثم يعود
ويغلق الباب خلفه ، فدارت على عقبها وقالت حانقة :

— أهو الباب اتقفل يا سى حسين ، أنا ما اطقشى كده :
وذهبت وفتحت الباب وإذا بسامي وجيهان منهكين في المذاكرة ،
فرفع سامي رأسه وقال في صدق :

— اقفل الباب من فضلك يا ماما ، صوت التلفزيون ييشوش علينا .
ولم تجد مفرا من إغلاق الباب فإذا بها تغلقه في هدوء وإن لاح في
وجهها الضيق وارتسمت فيه المزية ، ودارت على عقبها فألفت حسين
واقفا يرقبها ، فلما رأها حانقة تغادر المكان منكسرة ارتسمت على شفتيه
بسمة عريضة .

وعاد الزوجان إلى غرفتها ، وأراد حسين أن يحول الحديث إلى ناحية
أخرى فقال وهو يفحصها بعينيه :

— يعني خلصتى الكورس ولا خستيشى .
وأخذت ، لم تكن تتضرر أن يحاسبها زوجها أو يثير مرة أخرى ذلك
الموضوع فارتبتقت وقالت :
— لا خسيست .

— مش باين عليكى .
قالت وهي تتحاشى نظراته :
— خسيست اتنين كيلو .

(الحفيد)

— يعني استبدلت جنيه من معاشى عشان تخسى اتنين كيلو ؟!
ورأى أن خير ما تفعله أن تتملقه .. إنها أنفقت ستين جنيهًا دون
جدوى ، أرغمته بدموعها على أن يستبدل من معاشه جنيهًا فقالت وهي
تدنو منه وتداعبه :

— أحسن أزاي وانت مهني ومرجعنى على الآخر ؟

ولم يشاً أن يقسو عليها أكثر من ذلك فقال لها :

— فداكى مش ستين فداكى ستايه .

وأثلىج ذلك صدرها وأطمعها فيه فقالت له :

— أنا مهدود حيل طول النهار ، والنبي يا حسين تروح تغسل
فناجين الشاي اللي خرجت من عند ابنك .

واستراح حسين . إنه استطاع أن يكبح جماح ثورتها بل روضها
وجعلها تقبل الأمر الواقع . فإن كان سيفغسل فناجين الشاي فذلك أهون
من تعب نفسه وتحطيم أعصابه ، ونهض وسار إلى المطبخ وراح يغسل ما
في الخوض إذا بسومن قبل وتقول له :

— عايزين نأكل .

— تأكلوا إيه ؟

— نأكل بيض .

وانهمك في إعداد العشاء ثم حمله إلى غرفة الطعام ونادى أولاده ،
وجاءت زينب فقال لها وهو يرمي الغرفة التي فيها سامي وجيهان :

— مش ندخل لهم عشا ؟

فقالت في امتعاض :

— يا خويا .

ولم يشأ أن يوقظ الفتنة النائمة فسكت وراحوا يأكلون حتى إذا ما أتوا على ما أمامهم التفت سوسن إلى أمها وقالت :

— ح شحلي إيه ؟

وهرعت إلى حيث العلبة وفتحتها فإذا بها تجد فيها قطعة شيكولاتة وقطعة ملين ، فأخذت لنفسها الشيكولاتة وقدمت الملين لعاطف وهي تقول لمراد .

— مش الملين أحسن من الشيكولاتة ؟

فقال مراد في خبث :

— ما اقدرش أقول إلا لما أدوق .

وقدامت سوسن إليه الشيكولاتة فقضم قضمة وقدم إليه عاطف الملين فقضم قضمة ثم قال :

— الاثنين حلزين ، ما وحش إلا قلتهم .

وغادروا غرفة الطعام إلى الصالة فإذا بالباب المغلق يفتح وتخرج منه جيهان ومن ورائها سامي ، والتفتت جيهان إلى سامي وقالت :

— أنا ذاكرت عندك النهارده ، انت تذاكر عندي بكرة بقى .

وحيت من في الصالة ثم انصرفت وسامي معها ليوصلها ، وما أن أغلق الباب خلفهما حتى قالت الأم في سخرية :

— تعال يا أبويا شوف ، قال كان يسود عيشتي إن عرف إني فتحت

شباك ، قال شباك قال ..

وقال عاطف معجبا بذكائه :

— مش مذاكرة سامي مع جيهان ح تنتهي بالجواز .

فقالت له الأم غاضبة :

— إيه الكلام الفارغ اللي بتقوله ده ؟

ولم يعجبه أن تتعرض أمها على قوله وأن تنهره فقال :

— مش كل روایات السینما تنتهي بالجواز .

كانت سيارة تنطلق وقد جلس شفيق خلف عجلة القيادة وإلى جواره نبيلة ، وجلس جلال في المقعد الخلفي وإلى جواره أحلام . كانت السعادة ترفرف على الجميع وكان الحديث بينهم يسرى رخاء كالنسيم وإذا بالسيارة تهتز في عنف . لم يكن الطريق ممهداً إذ كانت به حفر من أثر مد مواسير أو من أثر شيء آخر ، فالظاهر أن رجال المرافق ينقبون في جوف القاهرة عن كنز دفين .

وارتفع جلال في الهواء ، ولما استقر مرة أخرى على مقعده قال وهو ينظر إلى بطن أحلام :

— حاسب على الولد .

— وإيش عرفك إنه ولد ؟

قالت نبيلة مداعبة :

— أحلام ح تجيب بنت وبنت وبعدين ولد زى ماما .. دايمًا الباركيه تجيب زى امها .

فالتفت شفيق إلى زوجته وقال :

— تلاته مره واحده ، حد يقدر يصرف على تلاته في اليومين دول ؟

فقالت أحلام فهى معجبة دائمًا بأيتها :

— أمال بابا يعمل إيه ؟

فقال شفيق في حماس :

— ببابا كى ده يستحق تمثال .

فقال جلال :

— عاش ليكو حرم نفسه من كل شيء وما حرمكوش من حاجه .

فقطاعه شفيق :

— لأ يا عم أنا عايزة أعيش لنفسى .

فقالت أحلام في إنكار :

— يعني مش ح تختلف ؟

فوضع ذراعه خلف نبيلة في حب وقال :

— أنا متفق أنا ومراتي إننا ما نجبيش عيال قبل ما تخلص الجامعه ، يعني
لسه قدامنا تلات سنين كمان .

فقال جلال :

— الكلام ده إن شدت حيلها ومشيت على طول .

فقال أحلام :

— طول عمر نبيله واندده بالها من نفسها ، مش عايزة تروح الجامعه
وبطنه ساقهاها .

فقال جلال :

— مش شايف إن فيها حاجة إنها : آمن حامل وتروح الجامعه .

فقال شفيق :

— فيها حاجه بالنسبة لي أنا .

فقال جلال :

— فيها إيه ؟

— إن جبت عيل يبقى لازم أبيع العربية على طول ، ما اقدرش ساعتها
أصرف على بيتن .. العيل والعربيه .. وانا العربيه أحسن لي دلوقت .
و كانت السيارة قد وصلت إلى مكان هادئ من كورنيش النيل فوقف
شفيق ونزل من السيارة وفتح الباب الخلفي ، فنزلت أحلام ثم جلال ،
وكانت نبيلة قد نزلت ووقفت تنتظرهما فلما أصبحوا جميعاً على الرصيف
قال جلال لأحلام وأختها :

— ح تتمشوا قد إيه ؟

فقالت أحلام :

— نص ساعه .

— طب احنا ح نستنى هنا .

وراحت أحلام ونبيلة تمشيان الهوينا على كورنيش النيل . كانت
الشمس تنحدر للغروب فكان المنظر شاعرياً أخذها يعكس ما في الطبيعة
من جمال على النفوس فأخذت أحلام ونبيلة تتسامران ، وطفق شفيق
وجلال يتحاوران ؛ كان شفيق يحسد جلال على أخذه للأمور في بساطة
ويتمنى لو يستطيع أن يكون مثله راضياً ولكنه قلق على الدوام بحس أن
بينه وبين الدنيا خصاماً .

— ٨٨ —

و قبل أن يمر الوقت الذي حدداه عادت أحلام ونبيلة والعرق يت慈悲ب
من نبيلة وقد بدا عليها الإرهاق ، فهرع إليها شفيق وقال :

— مالك ؟

فقالت أحلام :

— يا دوب مشينا شويه لقيتها داحت ، قعدتها لغاية ما فاقت .

فقال شفيق :

— ياللا نروح عشان نستريح .

فقال جلال :

— من رأى نعرضها على دكتور ؟

فقالت نبيلة في تباذل :

— أنا كويسيه دلوقت .. ما فيش لازمه .

فقالت أحلام :

— نشوف دكتور أحسن ؟ .

وركبوا وانطلقا إلى عيادة دكتور يعرفه جلال ، فلما فحصها خرج
إلى المنتظرين في الخارج وقال لهم :

— مبروك .. السنت حامل .

وظهرت دهشة كبيرة على وجه شفيق ، وقالت أحلام في ارتياخ :

— حلوه دي .

وقال جلال لشفيق ساخرا :

— مبروك .. روح بيع العربية .

وظل وجه شفيق مسوداً وهو كظيم ولو لا بقية من حياء لبعض أنامله من الغيظ . وخرجت نبيلة ، ولما رأت زوجها قرأت في وجهه الحزن فسارت مطرقة وإن كانت تفكّر في العاصفة التي ستهب إذا خلا كل منها بصاحبه .

وعادوا إلى السيارة صامتين وانطلقت بهم وهم في شرودهم ، وظل شفيق ونبيلة يغشاهما وجوم حتى إذا ما أغلق عليهما باب شقتهم انفجر شفيق في غيظ :

— عاجبك كده .. ده اللي اتفقنا عليه ؟

فقالت في تجاذل :

— وانا كنت اقدر اعمل ايه ؟

— كنتي تقدري تعمل كتير .. أنا كنت حاسس ليلة ما وصلت أمك ورجعت إنك بتغشيني ، ليه عملتى كده ؟ .. ليه غشتيني ؟ .. وأطرقـت نبيلة ولم تنبس بكلمة ، وراح شفيق يعمل في سرعة فدنا منها وقال :

— لكن معلش ، ملحوـقه .. اللي في بطنك ده لازم ينزل .

فسـدت نـبيلـة قـامـتها وـقـالـت في تـحدـ :

— مستحيل .

قال لها في حزم :

— أنا مش ح اسمح لك إنك تحطـمى كل اللي بـابـنيـه ، مش ح اسمح لك إنك تضـيعـى مستـقبـلى .. اختارـى بيـنى وـبـىـنـه .

قالت نبيلة في إصرار :

— مش ح انزله أبدا .. أبدا ..

قال في انفعال شديد :

— خلاص .. إنت حره ..

كانت زينب تستشعر قلقا لا تدرى مصدره وانتابتها هواجس ، فأرادت أن تشرك الآخرين في مشاعرها فقلالت :

— اللهم اجعله خير .. عيني الشمال بترف .

قال لها حسين الذى كان يساعد سوسن على حل واجباتها :

— روحى حطى فيها قطره .

وجاء سامي وقال لها :

— لما تيجى جيهان ابقى هنيها يا ماما .

فقالت له أمه فى ضجر :

— يا بى ابعد عنى دلوقت ، باقول لك عيني الشمال بترف .

قال سامي نافد الصبر :

— هو أنا باقولك حاجه وحشه ، باقول لك لما تيجى جيهان ابقى هنيها .

— اهنيها على إيه ؟

— على إنها اتخطبت .

ولفت المخواز نظر حسين فترك سوسن واقترب يرھف السمع ، سمع

زوجته تقول :
— ولما اخخطبت ح تيجى ليه ؟
— ح تيجى تذاكر .
قالت زينب في دهشة :
— وخطيبها عارف إنها ح تجييك ؟
— عارف إنها ح تيجى تذاكر .
فالتفتت فرأت زوجها فقالت :
— سامع يا حسين ؟ خطيبها عارف إنها ح تيجى تذاكر مع ابنك .
قال حسين في هدوء :
— وفيها إيه ؟
ولم تحتمل ذلك ولم تستطع أن تصوره فقالت في غيظ :
— يا خواتي رجالة إيه دول ؟ رجالة آخر زمن .. رجاله قش .
والتفتت إلى سامي في شك وقالت :
— ما تقول يابني .. إنت راجل واللا إيه ؟
وأحس سامي أن كرامته قد جرحت فقال :
— يا ماما انتي من زمن غير زماننا .
قالت زينب :
— الحمد لله إني من زمن تاني .
وصبمت قليلا ثم قالت :
— جوزها ده بيشتغل إيه ؟

— طالب في الجامعه معانا .
— ولما هو معاكوا ما تذاكر معااه .
— ده في السنة النهاية .
— طيب ما يذاكر لها بدل ما يسبها لك !!
فقال حسن مداعبها زوجه :
— انت طيبه طيبه بس يا خساره .
فقالت زينب في فزع وتحفز :
— بس يا خساره إيه ؟
— سوء ظنك بالناس .
فالتفتت إلى زوجها وابنها وقالت :
— ده اللي بيجرى في عروفككم بقى مايه مش دم ، ومايه ساقعه كان .
ودق جرس الباب فأسرعت زينب وفتحته ، فإذا بها أمام جيهان
وجهها لوجه وإذا بها تقول لها :
— مبروك .
فيتهلل وجه جيهان بالفرح وتقول :
— الله يبارك فيكى .
وفوجئت زينب بأن جيهان قبلتها فقالت لها :
— والله فرحت لك قوى يا بنتى .
— مرسى يا تانت .
— ده خطيبى .. يذاكر ، السنه دى آخر سنه عنده ، إن شاء الله

أجييه وينجى نزوركم .

وكان حسين وسامي يتبعان الحديث الودي في دهش ، فأين زينب
التي تكاد تذوب رقة وهي تحدث الفتاة من زينب الثائرة الحانقة التي
كانت تُقْدَفُ من فيها السنة نار ١٩

ودخلت جيهان ودخل من خلفها سامي ، وما إن جلسا للاستذكار
حتى جاءت زينب وأغلقت عليهما الباب في رفق وقالت :
— ربنا ينفع مقاصدهم .

ولما وصلت زينب إلى حيث كان زوجها قال لها :

— إيه الرقه دى كلها ؟ إيه اللي جرى في الدنيا ؟

فقالت زينب في هدوء :

— مدام التخطيب ربنا يهنيها .. أنا كنت خايفه لتلهف الواد .

فقال حسين ليغطيظها :

— ما ح تلهفه واحده تانية ، إيه الفرق بين التانية دى وبين جيهان ؟

— التانية دى أنا ح اختارها على عيني .

وتذكرت عينها الشمال .. إنها هدأت الموقف وتركت كل شيء يمر
في سلام لتقضى على مخاوفها التي استولت عليها ، إلا أن عينها الشمال لا
تنزال ترتعش فقالت :

— لسه عيني الشمال بترف .. اللهم اجعله خير .

ورن الجرس الخارجي فهرعت سوسن تفتح الباب فألفت نبيلة وقد
حملت حقيبة كبيرة ، فصاحت سوسن قائلة :

— أبله نبیله جت .. معاها شنطه کبیره .. بایینها مسافره ؟ .

والتفت حسين إلى زينب في ذعر فقد غلص قلباها لما سمعا من سوسن إعلان وصول أختها ، وزاد في جزعهما خبر الحقيقة الكبيرة التي تحملها ،

وقال حسين في صوت فيه رنة أسي :

یا تری بجت لیه؟

— مش عارفه .. خلیک انت هنا ملا اشووف ایه .

وذهبت زينب وتصنعت الهدوء واغتصبت ابتسامة وقالت في
ترحيب لما رأت ابنته وإن كان قلق بالغ يدثرها :
— أهلا .. أهلا ..

ومدت يدها تحاول أن تحمل عن ابنتها الحقيقة ، ولكن نبيلة أبعدت الحقيقة عن متناول يد الأم وسارت شاردة تحاول أن تجتمع شجاعتها التي تناثرت وأن تخبس الدموع التي ت يريد أن تطفر من مقلتيها ، إلا أن غريزة الأم كشفت كل شيء ، فطنت إلى أن ابنتها في محنة فإذا بالأسى يغمر عواطفها وإذا بلهفة على أن تعرف أسباب مقدم ابنتها تستولي عليها ، فما أن صارت في غرفة البنات وحدهما ووضعت نبيلة الحقيقة على السرير حتى قالت الأم :

— ایه الی جری یا نبیله ؟

فانفجرت نبيله باكية ، فأسرعت الأم تضمهما إلى صدرها وتقول
وقد تررققت الدموع في عينيها :

— بس يا بنتي بلاش عياط وقولي إيه اللي جرى .

— ده قال : لانا هوه .

— لا هوه .. ده هو من لحمنا ودمنا ، هو حد ينزل اللي ف بطنه إلا
إذا كان ابن حرام !

— يا ماما أنا مش ح انزله مهمما يحصل .

— تنزليه ازاي ؟ ده ضناكى ؟ حد يموت ضناه بآيديه ؟ وتروحي من
ربنا فين ؟

وساد بينهما صمت لحظة ثم قالت الأم :

— روحى أغسل وشك وغيرى هدومك ، بيت أبوك اللي ساعلك
قبل ما تتجوزى يساعلك بعد ما تتجوزتى ، ده احنا نشيلك جوه عنينا .
وفتحت نبيلة الحقيقة فإذا بها ملابسها ، فآخر جرت قميص النوم
وانطلقت زينب إلى حيث كان حسين قلقاً أرقا ، فما أن رأها حتى خف
إليها يقول لها في لففة :

— حصل إيه ؟

— شوية نقار بينها وبين شفيق .

— سببه إيه ؟

— عرف إنها حامل زعل وعايز ينزله .

— وح تعامل إيه دلوقت .

— ح تفضل معانا لغاية ما ييجي ياخدها ورجله على رقبته .

كانت أحلام تسير وقد ازداد بطنها انتفاخا ولم تكن تحس نفس الانشراح الذي كانت تستشعره كلما خرجت لتنتمى فإنهما منذ غضب نبيلة وعادت إلى بيت أبيها أمست تخرج وحدها وفي النفس أسى ، فما كان يخطر لها على قلب أن يصل الحب الذي كان بين نبيلة وشقيق إلى مثل ذلك الجفاء البارد الثقيل .

وكان جلال يسير إلى جوارها صامتا ؛ وكان ذهنه مشغولا بما كان بين نبيلة وزوجها . إن صداقه متينة كانت توطدت بينهم جمياً فإذا بغياب نبيلة وشقيق يترك فراغا في حياته يسبب له ضيقا ، وما كان قادر على أن ينفرد بأفكاره فقال :

— إيه اللي عمله شقيق ده ؟ بقى ده معقول ! أنا حاروح أكلمه .

فقالت أحلام في إشراق :

— بلاش يا جلال . إن كلمته حير كبراسه ، وإن عرفت نبيلة ح تزعل .

— وإيه اللي حيز عملها ؟

— كلامك لشفيق عشان يرجعها حيجرح كرامتها .

— كلام إيه ده ؟ أمال فين إصلاح ذات البين .

— إن كلمت شفيق ورجعوا يبقى عشان خاطرك مش عشان خاطرها ، وإن رفض يصلحها تبقىأسأت وزودت الخلاف ، أنا رأى إنك تسيبه لغاية ما يرجع لعقله .

فقال ضيقا بحديثها :

— ما هو لو فكرنا في كرامتها وفي كرامتها مش ح نعمل حاجه . أنا ح أكلم شفيق .

وكان احالم في قراره نفسها تمنى أن يقوم زوجها بتلك الوساطة ، أن يعيد أختها إلى بيتها ، فليس للمتزوجات غير بيتهن وإن فتح الآباء أذر عهم مرحبين . كانت أمها تقول لها دائمًا « هي الواحدة تستريح إلا في بيتها ؟ » ، وكانت تعجب من قولها قبل أن تتزوج ، أما وقد تزوجت وأصبح لها مملكة صغيرة ترعاها فقد عرفت حقيقة ذلك القول .

وسارا يتهدثان ثم عادا إلى البيت سيرا على الأقدام ، وصعدتا أحالم لستريح من رياضتها التي فرضت عليها وانطلق جلال لا يلوى على شيء . كان شفيق في البيت وحده تبدو عليه الكآبة والسام إنه اعتقاد أن يجد نبيلة في انتظاره ، وإذا خرج خرجت معه . صارت جزءا من حياته . إنه لا يدرى لماذا تطوف بذهنه أسعد أيامه معها منذ أن غادرت البيت . إنه يذكر ليلة الزفاف ، ولو أنها كانت ليلة بسيطة إلا أنها كانت مترعة بالمعنة التي استقرت في أغوار نفسه .

إن المتعة الحسية سرعان ما تتلاشى ، ولكن متعة اتصاله بها لم تكن

متعة مادية فحسب بل كانت امتزاج روح بروح ، ذوب نفس في نفس .
ولولا أنه بطبيعة لا يحب أن يكشف عن حقيقة مشاعره لظل يقول لها إنه
يحبها .. يعبدها ، إلا أنه كان في قرارة نفسه يعتقد أن تعرية الحب تفسده
كأن الطعام يفسد إذا ما تعرى .

ووسوت له نفسه في لحظات أنه كان قاسيا معها يوم أن ثار في
وجهها لأنها حملت ، واتهمته بمجافاة المنطق والذوق : ولكن غروره ثار
على تلك الشورة وراح يقنعه بأن ما فعله كان جزاء وفاقا على أن خدعته
وحملت على الرغم مما كان بينه وبينها من اتفاق .

طرق جلال الباب فنهض شقيق وقد تصارعه أحاسيس متباعدة .
ترى أعادت نبيلة لتعذر ؟ ولم يصدق ذلك الخاطر فهو يعرفها شديدة
الحساسية ، شديدة الاعتزاز بكرامتها ، فإذا لم تكن نبيلة فمن يكون ؟
وفتح الباب فإذا بجلال أمامه ، ومد بصره من فوق كتف جلال
فقطن جلال إلى ما يرمي إليه فقال له :
— ما تخافش دانا لوحدي .
— أمال فين أحلام ؟

قال جلال ليفتح بابا للحديث :

— ح تيجى لين يا سى شقيق ؟ اللي كانت بتيجى لها مش هنا .
وانطلقا إلى حيث كان شقيق جالسا فوقيت عينا جلال على منفضة
السجاير ، إنها تكاد تطفح بأعقاب السجاير فقال جلال :
— إيه ده كله يا شقيق ؟ إنت كنت بتشرب خفيف .

ولاحظ الوجوم الذى كسا وجهه فأراد أن يرده إلى طبعه حتى
يستطيع أن يتجادب معه أطراف الحديث دون ثورة أو انفعال . فقد يده
وراح يقلب في أعقاب السجاير ثم ابتسم وقال :

— براءة ، ما فيش ولا عقب فيه روح .

وابتسم شقيق وقام وهو يقول :

— قهوه واللا اجيب لك حاجه ساقعه ؟

— إذا كان ضروري هات حاجه ساقعه ، مين عندك ح يعمل
القهوه .

وأحس شقيق أن جلال ماجاء إلا ليحادثه في موضوع زوجه ، فسار
إلى الثلاجة على مهل يفكر ويرتب أفكاره ، ثم عاد ليحمل زجاجتين
ليموناده وجلسا يشربان . قال جلال :

— إيه اللي عملته ده يا شقيق ؟ بقى نبيله تستاهل منك ده ؟

فقال شقيق وقد بدأت دماءه الحارة تتدفق في عروقه :

— و كنت عايزني أعمل إيه ؟ اتفقنا على حاجه وكان كله برضاهـا ،

نمـت وصحيـت عـرفـت إنـها كـانـت بـتكـذـبـ علىـ ، كـانـت بـتـخـدـعـنـيـ :

— ما تقولـشـ كانتـ بـتـخـدـعـكـ ، دـىـ كـلمـهـ كـبـيرـهـ قـوىـ ، النـاسـ تـفـتـكـرـ
ـ إـيهـ ؟

— أـمـالـ الليـ تـبـقـىـ عـاـيـشـهـ مـعـاـكـ شـهـرـيـنـ وـكـاتـهـ عـنـكـ سـرـهـاـ ثـبـقـىـ إـيهـ ؟

— يمكنـ ماـ كـانـتـشـ عـارـفـهـ .

— ياـ رـيـتـ ، دـىـ كـانـتـ مدـبـرـهـ كـلـ شـيءـ ، دـاـ الليـ غـاـيـظـنـىـ .

جاءت أحلام وجلال إلى منزل أبيها في الشهر الأخير ، فوجدت أن من الأسلم أن تكون إلى جوار أمها فإذا ما فاجأها الخاض كانت بين أهلها في رعايتها جميعا ، وهرعت نبيلة إليها تقبلها فقال سامي معلقا :
— ولاد الحاله يجوزوا البعض ، ابعدى بطنك يا أحلام عن بطنها .
وأشرق وجه الأم بابتسامة عريضة وغمراها سرور فياض ، وكان حسين تتنازعه عواطفه لا يدرى أيفرح أم يرى لنبيلة التي كانت أشبه بأرملة وإن كان زوجها على قيد الحياة .

وقالت سوسن وهي تحذب أحلام من ثوبها :
— أبله أحلام ، عارفه ح تناهى في سريرى الليله دى ، أبله نبيله بتنم
في سرير هاله .

فمالت أحلام وقبلتها وقالت لها :
— كتر خيرك يا حبيتى .

وقال مراد في سذاجة :

— الحمد لله إنكم جيتو بعد الامتحانات ما خلصت
ونظر إليه أبوه نظرة تأنيب ، فأطرق مراد وإن لم يفهم سبب نظرات
العتاب التي رماها أبوه بها ، وأقبل عاطف يحمل الكلب فقالت الأم

عارضه :

— قلت لك الكلب ده ما ينزلش م السطح أبداً .

فقال عاطف ميررا ما فعل :

— أنا لقيت العيله كلها هنا ما فيش حد غايب إلا سوزى ، قلت
أجييه .

وضع الكلب على الأرض فراحت أحلام تنسج له شعره في حنان
وتداعبه وتناديه :

— سوزى .. سوزى .

والتف الأولاد حول سوزى يلاعبونه ، وإذا بفكرة طرأت على ذهن
مراد فيقول :

— نسيب أحلام ونبيلة ينادوله ، اللي يروح لها منهم تبقى ح تجيب
ولد .

وعلى الرغم من سذاجة الفكرة فقد تأخر الجميع وتركوا أحلام ونبيلة
تحاول كل منها أن تغرى سوزى ليتجه إليها . وقد صادفت اللعبة هوى
في نفس زينب فتقدمت ترقب التجربة ، أما حسين فقد منعه وقاره أن
يشارك صراحة فيما أثار الحماس بين الجميع .

وذهب الكلب إلى نبيلة ثم عطف على أحلام ، فإذا بزينب تهمل
بالفرح وتقول :

— الاثنين ح يجيروا ولاد .

وأشرق وجه الجميع بالغبطة ، وإذا بجلال يقول لحماته :

— بتحبى يا تانت الأولاد أكثر .

فقالت زينب في إنكار :

— أبدا والنبي يا ابني ، كلهم معزه واحده .

فقال سامي وهو يشير إلى سوسن :

— بقى أنا عندك زي المفعوصه دى ؟

— وتنزيد عنها إيه ؟ لك طر طور واللا على راسك ريشه ؟

ورن جرس الباب فأسرعت سوسن إليه وكانت تسابق عاطف الذي
جري وجري الكلب خلفه ، فلما فتحت الباب ظهرت جيهان فإذا

بالكلب ينبع ، فتقهقرت وقالت :

— حوشوا الكلب ذه .

فهرع سامي ونحاه وقال لها :

— اتفضلي .

ودخلت جيهان وأحلام ترنو إليها في دهش ، وزادت دهشتها لما سمعتها
تقول لسامي :

— مبروك يا سامي ، نجحنا .

فقال لها سامي في انتراح :

— مبروك يا جيهان .

ودارت على عقيها وقالت :

— عن إذنكم .

فقال حسين :

— ما بدرى ، اقعدى استريجى .

— ما اقدرش ، بابا مستنى تحت .

فقالت لها زينب :

— ابقي تعالى .

— من عينى يا تانت .

— تعرف تفصل ولا تخيطى ؟

— طبعا يا تانت .

فقالت زينب وهى تشير إلى بطん أحلام ونبيلة :

— تبقى تيجى تساعدينا في خياطة هدوء النونو والنونو .

— حاضر يا تانت .

وانصرفت جيهان وقالت أحلام :

— ما قعدتش ليه ؟

قال مراد :

— أصل أبوها تحت .

— طب ما طلعش ليه ؟

فقالت زينب في لهجة عادية من كثرة ما كررت العبارة :

— بينكسف .

وقالت أحلام :

— عروسه حلوه يا ماما .

— دى بتذاكر مع سامي ومحظوظه .

فقال حسين في بساطة :

— طيب ما تجيب لهم .

— واجيب لهم منين ؟ ما فيش فلوس .

فقال حسين دون أن يتبرم أو يظهر عليه أى أثر للضيق :

— المحفظة في جيب الجاكته جوه ، خد اللي انت عايزه .

كان حسين سعيداً للنجاح ابنه وكان واثقاً من نجاح نبيلة فلم يشاً أن يجعل أى شيء يؤثر على انتراح صدره ، وكان على استعداد لأن يفعل كل ما في وسعه ليجلب السرور إلى قلوب أبنائه .

ودخل سامي وفتح حافظة أبيه فلم يجد فيها نقوداً كثيرة ، فسحب منها جنيها وأعادها إلى مكانها وهو يحس نحو أبيه حباً عظيماً امترج باشفاق على الرجل الذي يحرم نفسه ليجود على فلذات أكباده . وهبط سامي مهرولاً فإذا بعاطف وسوسن يجرؤن خلفه ليلحقوا به ، فإنه لمنظر يرضي غرورهم أن يروا أخاهم الأكبر يشتري لهم حلوى بجنيه .

وعاد سامي يحمل صندوق الجاتوه وراح يسأل وهو يستشعر أهميته :

— الشاي جاهز ؟

قالت زينب وهي تدفع أحلام ونبيلة أمامها :

— كل حاجه جاهزه .

ودخلوا غرفة السفرة وجلسوا يشربون الشاي ويأكلون الجاتوه .

وتلفت عاطف وفي غفلة من الجميع أخذ واحدة وانطلق إلى سوزى وراح يطعمها للكلب فما كان يستطيع أن يتحمل أن تأكل الأسرة كلها ويحرم

— حد عايز حاجه قبل ما اقعد ؟

فقال له سامي ليغطيه :

— ح تقدر ليه ؟ ما كل حاجه خلصت .

وظهر الضيق في وجه مراد .. أرسل ليحضر ماء ليمron من الجاتوه ؟

ولم يطأ ضيقه فإن زينب قدمت له واحدة وهي تقول له :

— ما تزعلش .. أنا شلت لك دى .

وتناولها مراد وراح يقضيها وهو واقف فما كانت تستأهل أن

يجلس . ونهض حسين وقال :

— اتسوا بالخير .

وذهب إلى غرفة النوم ، وقالت زينب طالة وعاطف :

— تعالوا انتو ح تباتوا معانا من النهارده .

قالت أحلام :

— خل هاله تنام جنبي وعاطف ينام جنب نبيله .

قالت الأم وهي تبتسم .

— هو ده معقول ؟ دول بيرفسوا طول الليل .

قالت أحلام في أسف :

— ح نضايقكو .

— ما تقوليش كده .. السرير واسع يساعنا وزياده .

ودخلت زينب إلى غرفة النوم تسوق أمامها عاطف وهالة . وما أن
أغلقت البابا حتى راحت تقرش لعاطف فراشا على الأرض وأنامت هالة
بيتها وبين حسين . وما أن أغمضت هالة عينيها حتى تحركت بحثث
أمسى رأسها في بطن أمها ورجلها على بطن أبيها .

كانت أحلام في سريرها ونبيلة في سريرها وقد راحت نبيلة في النوم .
 كانت تتحدث كعادتها في نومها وما كانت أحلامها تدور حول المدرسة
 وما فعلته في يومها كما كان ذلك شأنها قبل أن تتزوج ، بل كانت تحلم
 بشقيق ، فما أكثر ما نطق اسمه في حنان وما أكثر مانادته وهي غاضبة .
 وكانت أحلام تتلوى من الألم . إنها كانت تحس أن شيئاً يتحرك في
 أحشائها ، وقد خطر على بالها أكثر من مرة أن تنهض وأن تطرق باب نوم
 أمها ، ولكنها كانت تشفع على أبيها فما كانت تحب أن تقلق راحته .
 واشتد بها الوجع فنهضت وهي تضع يدها في وسطها كأنما تمسك
 شيئاً خشية أن يسقط ، وسارت إلى غرفة نوم أمها ورفعت يدها لتدقق
 الباب ولكن خجلها منعها فعادت وهي ترجو أن تستيقظ نبيلة ، إلا أن
 نبيلة ظلت تجتر أحلامها .

وفي الصباح نهضت زينب وكان أول ما فعلته أن انطلقت إلى حيث
 أحلام ونبيلة ، فالفت أحلام تناوه فقالت لها :

— صباح الخير .. نمتي كوييس ؟

— صباح النور يا ماما ، طول الليل بتاً لم الوجع .

(الحفيدين)

واستيقظت نبيلة على الحديث الدائر بين أمها وأختها فجلست في
الفراش تفرك عينيها ، سمعت أمها تقول لأحلام :

— وحاسه بإيه دلوقت ؟

— كأن إيد هون بتدق في ضهرى .

— تبقى ح تولدى .

فغادرت نبيلة الفراش وقالت :

— مستعين إيه ؟ ما بتعتوا للدكتوره .

قالت الأم في ثقة :

— لسه بدرى يا نبيله .. البكريه تطول شويه .

وذهبت نبيلة إلى الحمام فإذا بها تلقى سامي عند الباب وقد وضع
فوطة فوق كتفه ، فلم تسرع لتدخل كما كانت تفعل وتغلق الباب خلفها
بل تأخرت خطوات وقالت وهي تفسح الطريق أمام أختها :

— افضل .

فالتفت سامي إليها وقال :

— كبرنا وعقلنا .

وما كاد يتم كلامه حتى جاءت سوسن تجرى واندفعت إلى الحمام
وأغلقت الباب خلفها ، فإذا سامي يثور ويقول لها مهدداً :
— بس لما تطلعى أنا ح اوريكي .

فابتسمت نبيلة بما حدث يذكرها بأيام سعيدة مرت بها . أيام لم
تعرف حقيقة قيمتها إلا بعد أن فقدتها . ثم التفت إلى سامي وقالت له :

— بكره تكبر وتعقل .

ولم تحتمل أحلام الآلام التي كانت توج في جنباتها ، فغادرت الفراش وأخذت تقطع الشقة جيئة وذهوبا ، حتى إذا لحت أباها يخرج من غرفته سعت إليه وتعلقت به وهي تقول :

— ح اولد ازاي با بابا ؟

فقال الرجل وهو يتصنع المدوء :

— ما اعرفش .. دى حكمه ربنا ، اللي اعرفه إنك ح تولدى .
وغادر الرجل البيت ليذهب إلى عمله ، وراحـت أحـلام تـتلـوى
وتصـرـخـ فـيـنـتـابـ الفـزعـ نـبـيـلـةـ فـلاـ تـجـدـ إـلـاـ أـنـ تـذـهـبـ إـلـىـ أـمـهـاـ وـتـقـولـ هـاـ :

— ما تبعـتـيـ تـجـيـبـيـ الدـكـتـورـهـ .

— لـسـهـ يـاـ نـبـيـلـهـ .

— ولو نـزـلـ دـلـوقـتـ ؟

— ح استـلـقـاهـ عـلـىـ أـدـيهـ .

ونظرت إليها نبيلة في ضيق وعيناها تقولان : يا قلبك . واستمرت أحـلامـ تـتلـوىـ وقدـ اـرـتفـعـ صـرـاخـهاـ فـقـالـتـ نـبـيـلـةـ :

— إنـ ماـ بـعـتـشـىـ يـاـ مـامـاـ لـلـدـكـتـورـهـ حـ اـرـوحـ هـاـ اـنـاـ .

فنزلـتـ الأمـ عـلـىـ رـغـبـتهاـ وـقـالـتـ هـاـ :

— حـ اـبـعـتـ هـاـ وـرـوحـيـ اـنـتـىـ سـخـنـىـ المـيـهـ .

وراحت زينب إلى حيث كان أولادها وقالت لهم :

— مـينـ فـيـكـوـ يـرـوحـ يـنـدـهـ لـلـدـكـتـورـهـ ؟

فصمتوا جميعا .. فقالت زينب :

— اللي يروح فيكوه اديله قرش .

قال عاطف في حماس :

— أنا ..

— شاطر .. روح قل لها تعالى حالا ، أحلام بتولد .

— هاتي القرش قبله .

فمدت يدها في صدرها وأخرجت منديلا بسطته وأنخذت قرشا من بين النقود وأعطيته عاطف ، فراح عاطف يهrol هابطا وإذا بالكلب يهبط من السطح ويقتفي أثره .

ودخلت الأم غرفة أحلام وأنخذت تعيد تنسيقها وتخرج الشباب والأقمشة التي سيلف فيها المولود ، واشتد صراخ أحلام فقالت لها أمها :

— دى طلقة ولد .

فقالت أحلام متبرمة :

— أنا لا عايزه ولد ولا بنت .. عايزه اللي في بطني ينزل ويرجعني .

وجاءت الدكتورة ودخلت مسرعة ، وسارت إلى حيث كانت

أحلام فألفتها تتألم وتتلوي ، فنظرت إلى زينب وقالت مستائذنة :

— أديها حقنة تحمى الطلق ؟

فقالت زينب وقد لاح في وجهها فزع :

— لا ياختنى .. أنا ما احبش الحقن .

ودخلت نبيلة عليهم وقالت :

— جلال جه .

فصاحت أحلام :

— هاتوه يولد معايا .

وصل قولها أذن جلال فانكمش ، فجاءه سامي وقال له مداعبا :

— ما تخشن تولد معاها ، بس فالح تعملها .

ولم ييتسنم جلال .. كان مشفقا على زوجه يتوجه لعادتها لينتهي ما
هي فيه من عذاب . وراح يغدو ويروح وقد صار كله آذانا ، إنه يسمع
كل همسة في الحجرة ، بلغه قول الدكتورة :

— اتفضلي انتى بره بقى .

فراح يرقب الخارج وسع الأم تقول :

— ناوليها الميه السخنه .. لأ ما تشيليهاش انتى .. خلى سامي واللا
مراد يجيئها .

وأسرع جلال إلى المطبخ وعاد يحمل طستا به ماء يغلى ، فإذا بنبيلة
تقابله في منتصف الصالة فتقول له :

— عنك انت .

فيأتي أن يترك الطست لها فتسير إلى جواره حتى إذا بلغا باب غرفة
أحلام قالت :

— خدى الميه من جلال يا ماما .

وتفتح زينب الباب وتأخذ منه الطست وتقول :

— إيد ما نعدمها .

ويأتي حسين ويرى بخار الماء يملأ جو البيت فيقول :

— هى لسه ما ولدتش ؟!

فيرد عليه جلال :

— لسه يا عمي .

ويفطن حسين إلى وجود جلال فيقول له :

— إزيك يا جلال .. ما تآخذنيش يا ابني .

ويجول جلال وحسين خلال الشقة وقد لفهمما قلق ، ولم يتحمل
حسين ذلك فالتفت إلى جلال وقال :

— أنا نازل الشارع اتنشى .. تيجي معايا يا جلال ؟

— أنا ح افضل هنا .

— لما تولد ابقوا قولوا لي .

وخرج حسين وأولاده يرقبونه في دهشة فما كانوا بقادرين على أن
يعرفوا حقيقة شعوره ، وراح جلال يرصد الساعة التي في الصالة ، إنها
تسير ببطء شديد كأنما الزمن قد توقف . واتجهت نبيلة إلى باب الغرفة
تضمنت فإذا بسامي يذهب إليها ويقول لها وهو يجذبها من يدها في رفق :
— تعالى استريحي .

وارتفع صراخ مولود وإذا بالبشر يكسو جميع الوجوه ، حتى حالة
تهلل بالفرح ، ومر وقت ثم خرجت زينب لجلال وقالت لجلال :

— تتربي في عزك .

— مرسى يا تانت .

وقال سامي في عدم ارتياح :

— بنت .. أنا ما احبش البنات .

فقال جلال في استسلام :

— كل اللي يجييه ربنا نعمة .

والتفتت زينب إلى سامي وقالت :

— ربنا مش حيرزقك إلا بالبنات .

وخرجت الدكتورة وقالت جلال :

— تقدر تنفضل دلوقت .

ودخل جلال وانسل عاطف خارجا في أثر الدكتورة .

نظر جلال إلى زوجه في حب ثم قال :

— حمد الله على سلامتك .

وابتسمت أحلام وقالت له :

— قريهو لي شويه أشوفه .

وظهر في وجه جلال دهشه ، وقال وهو يمبل فوقها ويجدب فراش
الطفل ليقربه منها :

— أمال ماما قالت بنت ازاي ؟

— خايفه لا يتحسد .

فنظرت إلى الوليد وقد نسيت كل آلامها ، وتحركت أموتها

فقالت :

— مش حلو يا جلال ؟

ونظر إليه جلال فلم ير إلا قطعة لحم أحمر فقال :

— ح يطلع وخش لمين ؟

ودخل حسين فإذا بأولاده جميعاً يدخلون حوله وقد أمسك عاطف
بيده كأنما يقول إنه هو الذي استدعاهم ، فلما رأى ابنته خفق قلبه في حب

وقال في فرح فياض :

— حمد الله على سلامتك .

— مرسى يا بابا .

وقال له جلال وهو يشير إلى ابنه الذي استقبل الدنيا بالبكاء ثم
استسلم لقضاءه :

— شوف حسين الصغير حلو ازاي .

فإذا بابتسامة تتوج جميع الشفاه ، وإذا بالدموع تترقرق في عيني
زينب فتنسل لتكشفها بعيداً .

ودخل حسين وزينب محلا فانحر الشراء هدية للمولود ، واتجها إلى
جناح الأطفال فرأى حسين ثوب طفل فأخذه بين يديه يقلبه ثم قدمه إلى
زوجه وهو يقول :

— إيه رأيك في ده ؟

فتحت زينب يده بالثوب بعيدا عنها وقالت :
— الهدوم عنده كتير .

وأعاد حسين الثوب إلى مكانه وتناول عروسة صغيرة وقال لزينب :
— وإيه رأيك في دى ؟

قال وهي تحول عينيها في المكان تبحث عن شيء :
— ح يعمل بيه إيه ؟ ده لسه ما يفهمش . نجيب له حاجه تنفعه .
وفطن حسين إلى أنها تبحث عن هدية غالية ، فرأى ذلك الشيء
المصنوع من جلد أزرق الذى يوضع فيه الطفل ويحمل بعلاقتين في يد
الأب والأم في أثناء الخروج فرفعه في يده وقال لزينب :
— أفتكر ده مناسب .

قالت زينب وهي تقلب عينيها في المكان :

— قربت .

ووَقَعَتْ عِينَاها عَلَى بَعْيَتِهَا ؛ إِنَّهَا عَرْبَةٌ صَغِيرَةٌ لَهَا كَبُودٌ فَخُمٌ يَفْتَحُ
وَيَغْلِقُ يَوْضِعُ فِيهَا الْطَّفْلَ وَتَدْفَعُ بِالْيَدِينَ تَصْلِحُ لِلنَّسَاءِ وَالصَّيفِ ،
فَانجذبَتْ إِلَيْهَا وَسَارَتْ وَحْسِينٌ يَتَبعُهَا حَتَّى إِذَا مَا قَبَضَتْ عَلَى يَدِهَا
المَصْنُوعَةَ مِنْ مَعْدُنٍ لَامِعَةً دَفَعَتْهَا إِلَى الْأَمَامِ وَجَذَبَتْهَا إِلَى الْخَلْفِ تَخْبِرُ
مَتَانَتِهَا قَالَتْ :

— هِيَ دِي .

وَنَظَرَ حَسِينٌ إِلَى الصَّنْدُوقَ المَصْنُوعَ مِنَ الْجَلَدِ الْأَزْرَقِ وَقَالَ :

— وَمَالِهِ دِهِ ؟

— دَا مَا يَسْتَعْمِلُشُ إِلَّا وَالثُّنُونُ صَغِيرٌ ، تُوْ مَا كَبُورٌ مِبْقَاشُ لَهُ قِيمَهُ ،
إِنْمَادِي مُمْكِنٌ تَتَحَطَّ جَنْبُ سَرِيرِهَا وَتَبْقَى لَهُ سَرِيرٌ .. يَعْنِي كُلُّهَا فَوَابِدٌ .
وَلَا كَانَ حَسِينٌ قَدْ تَعْلَمَ أَنَّ لَا فَائِدَةَ مِنَ الاعْتَرَاضِ اسْتَسْلَمَ ، وَقَالَتْ
زَيْنَبُ لِلرَّجُلِ الَّذِي كَانَ فِي خَدْمَتِهِما :

— مُمْكِنٌ تَبْعُدُهَا عَنِ الْبَيْتِ ؟

— بِكُلِّ مُمْتَنِيَّةٍ يَا افْنَدِمْ .

— طَبَ ادِيلَهُ الْعُنْوانَ يَا حَسِينَ .

— مَا نَاخَدَهَا مَعَانِي ؟ .

— لَا . حَشَرَتِي حَاجَاتٌ تَانِيَهُ .

وَأَعْطَى حَسِينَ الرَّجُلَ الْعُنْوانَ وَذَهَبَ يَدْفَعُ الْفَاتُورَةَ وَهُوَ يَتَلَفَّتُ
خَشِيشَةً أَنْ تَشْتَرِي زَوْجَهُ شَيْئًا آخَرَ .

وانصرفا إلى الغورية وراحت زينب تشتري المغات والشمع فأأتت على الشمع الذي كان موجوداً بال محل ، ثم انتقلت إلى محل آخر واشترت كل ما فيه من شمع وقالت للرجل :

— ما تعرفش نشتري فول مقشر وحمص منين ؟

— فيه مقله هناك حاجاتها كويسيه .

وسارت تشق طريقها في زحام الغورية وحسين يحمل ما اشتراه ، وعلى الرغم من الزحام راحت تحدثه وتقول :

— فين أيامنا الحلوه .. أيام الفستق والبندق واللوز ؟ مين كان يصدق

إن ح تيجى علينا أيام نفرق فيها سوداني وحمص وأرواح في السبوع ..

زمن !!

وذهبوا إلى المقلى واشترت زينب ما شاءت وحسين واقف متبرم ، حتى إذا ما حملت ما اشتريت قالت له :

— السوداني بقى أغلى ما كنا بنشتري الفسدق !

وصمت حسين ثم قال :

— تعالى نشوف تاكس .

— لسه .

— لسه إيه كان ؟

— ما اشتريناش الفراخ .

— يعني ضروري النهارده .

— يا نهارى ، أمال أحلام تتنفس بـإيه ؟ دى الوالدہ أول ما تنزل العيل

لازم تخط فرخه تسند بيهما بطنها .

فقال حسين ساخرا :

— والفراخ دى مش عايزه تلاجه ؟ ما تيجي نشتري تلاجه قبله ؟

ولم يعجبها سخريته فقالت في عتاب :

— هو انا عقل طاقق لأد كده ؟ التلاجه عند جلال ندبخ الفراح
ونضفهم ونوديهم عنده ، وكل يوم وهو جاي يجيب فرخه معاه .

— وإيه لازمة البعثره دى كلها ؟

— خلينا نشرب ونفرح وجيранنا يشربوا ويفرحوا . مش ده أحسن
ما كانت المستشفى تلهف الفلوس ؟

وأطرق حسين لحظة ثم قال :

— ما نشتري فراخ م الجمعيه ولا تعب ولا تنظيف .

ولوت زينب شفتها وقالت :

— هي دى فيها بر ، دى شربتها زى مية الفول النابت .. البلدى
بلدى .

وسار معها مستسلما إلى الفرارجي ، فراحـت تحـمل الدجاجـ تـزـنهـ في
يدـها قـبـلـ أنـ تـسمـحـ بـوضـعـهـ فيـ المـيزـانـ . واـشـترـتـ خـمـسـةـ أـزـوـاجـ وـحسـينـ
يـنـظـرـ صـامـتاـ ثمـ قالـ :

— ما يـدـبحـهمـ وـيـنـضـفـهمـ .

— أنا اللي حادـبـهمـ فيـ الـبيـتـ بـإـيـديـ .

— وـحـ نـاخـدـهـمـ اـزـاـيـ ؟

— حد يحطهم في قفص وييجي معانا .

هذا ما كان في حسابها : إنها ت يريد أن تعود محملة وأن يسير خلفها من يحمل قفص الدجاج وأن يتحدث الجيران بما جلبت لابتها . وقبل أن تتحرك للانصراف قالت حسين :

— نسينا السمن ، أمال ح نعمل المغات باليه ؟

— ومن ح يشيله واحنا محملين زى الحمير ؟

— اللي يشيل قفص الفراخ على راسه ياخد السمن في إيده .

وانطلقت إلى بقال وحسين يتحكم في عواطفه وإن كان سينفجر من الغيظ . واشتربت صفيحة سمن صغيرة وناولتها للرجل الذي كان يحمل قفص الدجاج فوق رأسه ، فاللتقطها في يده وسرى الركب في الطرقات وقد وسعت زينب من خطوها فهى تريد أن تصعد إلى البيت قبل سقوط الليل .

ولاحت سيارة الخل الذى اشتربت منه عربة المولود واقفة أمام دارهم فاستشعرت زهوا ، وسعت صوت الكلاكس المتصل فإذا بسعادة تغمرها ، فالكلاكس سيدجذب الجيران إلى الشبايك والشرفات وهذا غاية أمانيتها ليروا ما جلبت من طيبات ..

وفتحت النوافذ والشرفات ، وخرج سامي ومراد والأولاد إلى الشرفة ، فلما رأوا والديهم قادمين هرعوا هابطين في الدرج مسرعين ، وجرى سامي ليحمل عن أبيه ما كان ينوي به ولكن أمه قالت بصوت عال لا تستمعه وحده بل لتسمع الجيران :

— روح انت يا سامي استلم منهم العريبيه .
و كانت العربة قد خرجمت من جوف السيارة واستقرت على الأرض
فذهب سامي ليتسللها . و حمل مراد وعاطف وسوسن ما كان يحمله
أبوهم والتلفوا حول أبوفهم فرحين ، فسارت زينب تكاد أعضاؤها تهتز
سرورا ، وبين وقت وآخر تلتفت إلى الرجل الذي يحمل قفص الدجاج
ويسير خلفهم كأنما كانت تعلن للملأ أن الدجاج دجاجها .

ذبحت زينب الدجاج ووضعت صفيحة ماء على وابور الجاز وذهبت
قدم لأحلام العشاء ، فوجدت أن هالة قد وضعت في العربة وأن
موسن وعاطف يتشاركان على من يدفعها أمامه فصاحت فيهم :
— إيه المسخره دي ؟ هي دي كان لعبه .

وأنزلت هالة ، فلما وجدتها ستبكى قالت لها :
— تعالى نضفي الفراخ معايا .

قال عاطف :

— وانا .

— وانت .

وقالت سوسن :

— وانا كان .

— وانتي كان .

ودفعت العربة أمامها ووضعتها إلى جوار سرير أحلام وقالت لها :
— استعمليها بالليل .

ووضعت صينية الطعام في حجر أحلام ، ومالت على الطفل تقبله في

حب ثم خرجت وهي تنادي :

— سامي ، مراد ، نبيله ، سوسن ، عاطف . تعالوا كلكم
اشتغلوا .

واتجهت إلى المطبخ فإذا بجميع الأولاد يلحقون بها ، فوضعت طستا
كبيرا في الوسط وقالت للأولاد :

— هاتوا كراسي المطبخ واقعدوا عليها .

فأتوا بها وتحلقوا الطست ، وأنزلت صفيحة الماء المغلي من على الوابور
وراحت تغمس الدجاج بها وتلقى به في الطست ، فيتناول كل واحد من
أولادها دجاجة يتنفس ريشها .

وجاءت هالة وحاولت أن تلتقط دجاجة وأن تفعل كما يفعل إخوها
إذا بالدجاجة تلسعها فتبكي فتضمهها نبيلة إلى صدرها ، ويأتي حسين
ليرى ما الذي أبكاهها فتقول زينب له :

— ما تقدر معانا تساعدنا .

فجلس بعد أن أفسح له سامي مكانا وراح يتنفس ريش دجاجة ،
فامتلا المكان بالريش .

وقال عاطف وهو يجاهد ليززع ريش جناح الدجاجة التي كان
ينظفها :

— اليومين دول سوزى ح بيهص .

فقال له مراد :

— ده احنا اللي ح نهیص .

وانسحبت هالة ونامت في الصالة ، وبعدها انسحب عاطف ، وأرادت نبيلة أن تنسحب فقد مشى التعب في أوصالها فقالت وهي تنهض :

— أما اشوف الأولاد ناموا فين .

وذهبت إلى حيث كانت هالة وعاطف فأيقظتهما في رفق وقادتهما إلى سرير أبيهما ، ولم تعد ل تستأنف عملها بل تمددت إلى جوارهما ، ولو لا خجلها للدخولت لتنام في سريرها . وسرعان ما انسحب سامي ثم مراد ، فلما دقت الساعة الثانية عشرة لم يكن في المطبخ سوى حسين وزينب وسوسن .

ووضعت زينب الدجاج في مصفاة كبيرة وقالت :
— الصبح نخلி جلال ياخدهم ويحطهم في التلاجه .

فدنست سوسن من أمها وقالت لها :
— عايزه كبده .

لم تكن سوسن تنتظر بلا هدف بل كانت تريد أن تأكل أكباد الدجاج ، وقد صادفت الفكرة هوى في نفس الأم فراحت تحرر أكباد الدجاج ثم أخذت تأكل مع سوسن وتغرى حسين على مشاركتهما فيه ؛ ولم يستطع مقاومة إغراء الروائح التي ملأت أنفسه ، فأقبل يأكل متلذذا حتى كاد ينسى النوم الذي كان يداعب عينيه .

وبعد أن أكلًا لها نبيلة تنسحب إلى غرفتها ، فقالت لها أمها بعد أن فطنت إلى أنها لم تدعها على الطعام :

(الحفيد)

— تعالى يا نبيلة حمرى لك حتىن وكلى .

فقالت نبيلة وإن أسللت الرائحة المنبعثة من المطبخ لعابها :

— أنا اتعشيت يا ماما مع سامي ومراد .

ودخل الجميع ليناموا ، فوجدت نبيلة أختها أحلام ترضع ولیدها

فقالت وهي تبتسم :

— هربتى من الجامعه عشان ما تسهريش ، أهو سهرك .

فقالت أحلام في رضا :

— بس ده سهر للذيد .

وفي الصباح الباكر نهضت زينب تقدح السمن للمغات فإذا

بالشقة كلها تعبق برائحة السمن المقدوح ، وهرعت نبيلة إلى المطبخ

تعاون أمها قالت :

— أساعدك في حاجه ؟

— حصى الفول السوداني .. قال فول سوداني قال .. فين

المكسرات ؟ هو المغات يبقى مغات إلا لما يبقى السمن فوق وشه قيراطين

ويتملى بالمكسرات .

واستيقظ كل من في البيت فنادت على سوسن وقالت لها :

— خدى سلطانية المغات دي إديها لام محمد جارتنا ، وقولي لها خلي

الأولاد ييجو في السبوع .

وخرجت سوسن تحمل السلطانية ، ونادت زينب على عاطف

وقالت له :

— ودى المغات ده خالتك أم اسماعين وقول لها خلى الأولاد يسجوا في
السبوع .

ونادت مراد وأرادت أن تحمله حلة مغات ليذهب بها إلى الجيران فأبى
وقال لها :

— إدي عاطف قرش وهو يوزع لك المغات ع الجيران كلها .
والتفت نبيلة إلى أمها وقالت :

— إنتي ح تفرق مغات ع الجيران كلهم ؟ ح تكفى عليهم منين ؟
— خير ربنا كثير .

وتناولت فنجاناً كبيراً ملأته مغاتاً ورشت فوقه السوداني المطحون
وذهبت إلى حسين وقدمته إليه ، واعتذر حسين بأنه لا يستطيع أن
يشرب على الريق كل ذلك الدسم ، قالت له :

— اشرب يا حسين انت ح تعمل زي الجيل المفرع ده ، دانا ابويا الله
يرحمه ما كانش يفطر إلا بطاجن سمك .

وتناول حسين الفنجان كارها وراح يشرب قبل أن يحلق ذقنه .
وجاء سامي وهو يحمل صحف الصباح وهو يقرأ فيها فناول أباه
صحيفة وأخذ أخرى يتصرف بها ، فأقبلت سوسن ودخلت على أبيها
تروى له ما فعلته فهي لاترى شيئاً ولا تفعل شيئاً إلا وتحكى عنه لا تقدر
على الكتمان ، قالت :

— وديت المغات لام محمد وعم محمود وست زهيره وست فردوس
ولكل الجيران اللي في بيتنا وقلت لهم خلوا الأولاد يسجوا في السبوع .

— وديتي لكل دول ؟

— آه ، وعاطف ودا للجيран اللي قدامنا واللي جنبنا .

ونحنى حسين الفنجان جانبها وذهب إلى حيث كانت زينب . إنها كانت في طريقها إلى أحلام تحمل لها الإفطار فقال لها في غضب :

— انتي ناويه تعملني إيه يا زينب ؟

— سبوع ، انت في ديك الساعة اللي بقيت فيها جد .

وقف يتلفت في حيرة وغابت زينب في غرفة بنتها .

ودق جرس الباب فراح حسين يفتح فإذا مصطفى علوان وزوجه قد أقبلوا ليروا حفيدهم ، فما أن رأى مصطفى حسينا في جلبابه حتى قال له :

— لا مؤاخذه ، النهارده الجمعة وجينا بدرى .

— البيت بيتكم افضلوا .

ودخلوا وفي يد أم جلال صندوق شيكولاتة ، وبلغت الأصوات أذن زينب فخرجت ترحب بهما وتبادلوا المراتان القبلات ، ثم قالت أم جلال :

— مبروك ما جالكرو .

فقالت زينب وقد أشرق وجهها سرورا .

— مبروك ما جالنا كلنا .

ودخل الجميع غرفة أحلام فوضعت أم جلال صندوق الشيكولاتة قريبا من امرأة ابنها بحيث تراه ، ثم مالت عليها وهي تقول :

— ألف حمد الله على سلامتك .

وقبلتها ، وقال مصطفى علوان :

— مبروك ! يتربى في عزكم .

وجلس وجلست زوجه ، وذهبت زينب وحملت الوليد ودفعته إلى
جدته وهي تقول :

— شوف حسين حلو ازاي ؟

وتعكر صفوها لما صلّى أذنها اسمه ، ولكنها تناولته على كفيها وهي
تقول :

— بسم الله الرحمن الرحيم ..

وتطلعت في وجهه ثم التفت إلى أحلام وقالت :

— منين جبتي الوحاشه دى ؟ أبوه حلو وانتي حلوه .

فقالت أحلام :

— لا يا نينه ، ده قمر .

ودفعته أم جلال في رفق إلى زوجها فراح مصطفى ينظر إليه وقد
تحركت عواطفه فإذا بإشرافه كبيرة تكسو وجهه . وأنحرج من جيده
ورقة من فحة الخمسة الجنينات ووضعها على صدره .. قدم الطفل إلى
حسين الذي كان يرقب ما يجري من فعل فهو لا يصدق أنه أصبح جدا ،
ولما رأى يدي مصطفى ممدودتين بالطفل قال وهو يتقهقر إشفاقا :

— لا لا . أنا ما حبس أشيلهم وهم صغيرين كده .

وتناولت زينب الطفل وأعادته في خفة إلى جوار أمه ، فقال حسين

— هو احنا بقينا نقدر .
وأغلق الباب خلفهما ، فراح حسين ينظر إلى زوجته في عتاب ويقول
هذا :

— إيه اللي بتعملية ده ؟
— كان مش عايز جده وتيته يحضرها السبوع ١٩
وهبت أم جلال وزوجها وهي تتلهف على الابتعاد ، فلما وصلا إلى
الطريق قالت :

— شوف ابنك الخايب ، سمي ابنيه على اسم حماد ، كان الأصول
يسميه مصطفى ، ده حتى اسم مصطفى جلال لا يق اكتر من اسم
حسين جلال !
ولزم مصطفى الصمت ، كان لا يحب أن يثير موضوعا للنقاش لا
طائل تخته ، وضايقها صمته فأرادت أن تحرك لسانه قالت :

— ح تيجي السبوع ؟
— ودى فيها كلام ؟ سمه حسين جلال سمه مصطفى جلال أنا قلبى
انفتح له .

وضع الفول والحمص كوما في وسط المائدة ، وذهبت زينب
وسرعان ما عادت بصناديق الشيكولاتة الذي جاءت به أم جلال
وصبت ما فيه فوق الفول والحمص وراحت تقلب الكوم بيدها ،
وجلس أبناؤها جميعا حول المائدة ولم يغب منهم أحد ، حتى الكلب
سوزى كان يمرح حوطم .

كانوا قد قطعوا ورق السوليفان مربعات صغيرة ليلفوا الفول
والحمص والشيكولاتة التي ستوزع على الصغار في «السبوع» وقالت
الأم :

— ما فيش أكثر من حنة شيكولاتة واحده في كل لفة .

فقالت نبيلة وهي تلف ورقة وتربطها بخيط :

— الشيكولاتة مش ح تكفى .

فقالت زينب في إيمان :

— دلوقت ربنا يرزق .

ورن الجرس فتركـت سوسن ما في يدها وجـرت لتفتح ، وسرـعان ما
جـاء صـوـتها مـعلـنا عن القـادـم :

— تانت جيهان .

وcameت زينب تستقبلها فتهللـ بالفرح فقد رأـت في يدها صندوق
شيكولاتة ، فاندفعت إليها تضمـها إلى صدرها وتنـقلـها وتـقول :

— ليه التعب ده ؟

— ما فيـش تعب ولا حاجـه .. دا سامي قال لـي امبارح قـلت آجي
أبارك لكم .

وتقـدمـت نـبيلـة تصـافـحـها ولـكـنـها رـأـت أن تـقـبـلـها ، فـأـمـها قد فـعـلت
ذلك ولا يـليـقـ أن تكون التـحـيـةـ بين الشـبـابـ أقل حرـارـةـ من تحـيـةـ الشـيوـخـ
للـشـبـابـ .

وـدخلـت جـيـهـانـ غـرـفـةـ أحـلـامـ وإـذـا بـسـامـىـ يـقـبـلـ وقد خـلـعـ الـبـيـجامـاـ
وارـتـدىـ القـميـصـ والـبنـطـلوـنـ . وـجـدـ أـنـ ذـلـكـ أـلـيقـ . وـلـماـ لـمـحـ جـيـهـانـ تـضـعـ
صـنـدـوقـ الشـيـكـولـاتـةـ حـيـثـ وـضـعـتـ أـمـ جـلالـ الصـنـدـوقـ الذـيـ أـثـتـ بهـ أـرـادـ
أنـ يـطـمـئـنـهاـ إـلـىـ أـنـهـمـ شـاهـدـوهـ قـالـ :

— متـشـكـرـينـ :

وـأـسـرـعـتـ زـينـبـ تـعدـ لهاـ فـنجـانـ مـغـاتـ يـلـيقـ باـهـدـيـةـ التـىـ حـمـلـتـهاـ ،
وسـرـعـانـ ماـ عـادـتـ بـهـ وـقـدـمـتـهـ إـلـىـ جـيـهـانـ وـهـىـ تـقـولـ :

— اـتـفـضـلـ عـقـبـالـ ماـ نـشـرـبـ الشـربـاتـ يـوـمـ فـرـحـكـ وـمـغـاتـ يـوـمـ
عـوضـكـ .

وـتـنـاـولـتـ الـفـنجـانـ فـيـ خـجـلـ وـرـشـفتـ مـنـهـ رـشـفةـ قـرـأـ سـامـىـ بـعـدـهاـ فـيـ
وـجـهـهاـ عـدـمـ رـضاـ فـقـالـ :

— بلاش إذا كنتي ما بتحبيش . نجيب لك حاجه تانيه ؟

— أبدا ، ده لذيد ، بس سخن .

و كانت زينب قد استاءت من قول ابنتها ، فلما أبدت جيهان رضاها

عنه قالت :

— يا خسارة يا سامي ماليش بخت معاكم .

و أرادت نبيلة أن تغير الموضوع فقالت جيهان :

— خطيبك اخرج ؟

— أيوه .

فقالت أحلام :

— وح تتجوزوا امتى ؟

— أول ما نلاق شقه فاضبيه .

فقالت نبيلة :

— ربنا يهون ، لولا جوزي كان في بيته شقه فاضبيه كنا زماننا

مخطوطين لغاية النهارده .

ولاحظ سامي وأحلام أن هذه أول مرة تذكر فيها زوجها فتبادلا

النظرات ، ولم تر زينب في ذلك ما يدعو إلى الملاحظة أو الاستغراب

فقالت لتجامل جيهان :

— ح تفرج ، الحكومه قالت ح تبني شقق للعرسان .

قال سامي بسخرية :

— قالت .

وسألت نبيلة جيهان :

— وناويه تكملى بعد الجواز ؟
— طبعا .

وقالت أحلام :

— واتفقتو إنكم ما تخلفوشى إلا بعد ما تخلصي الجامعه ؟
— طبعا .

فالتفتت أحلام إلى نبيلة وقالت :

— كلهم بيتفقو في الأول على كده وبعدين يفهموا.
وقالت نبيلة مؤيدةً لأختها :

— ما فيش ست يا جيهان تستحمل تضيع شبابها من غير ما تختلف .
فقالت جيهان في تحد :

— أنا .

فقالت نبيلة في استسلام :

— كلنا قلنا كده .

وكانت زينب تتململ في جلستها . لم تكن ضيقة بالحديث الدائر ولكنها كانت تتلهف على أخذ الشيكولاتة التي جاءت بها جيهان لتصبها فوق كوم الفول والحمص وتخلطها به . وجاءت سونسن وقالت :

— انتو ح تقدعوا هنا على طول ؟ أمال مين اللي ح يلف الشيكولاته ؟
ونهرها سامي قائلًا :

— امشي دلوقت .

وارتاحت زينب لما فعلته ابنتها فنهضت وقالت :

— جيهان مش غريبه تيجى تشتغل معانا ، نتعب لها في يوم فرحتها .

فقالت جيهان وهى تنہض دون أن تدرى ماذا ستفعل :

— قوى يا تانت .

وساروا إلى غرفة الطعام ، وتذكرت زينب شيئاً فعادت وأخذت علبة الشيكولاتة واتجهت بها إلى حيث ذهبوا .

ورأت جيهان كوم الفول والحمص والشيكولاتة ، ورأت مسراد وسوسن منهكين في لف ورق السوليفان فقطنت إلى ما ستفعله فجلست . وأقبلت زينب وقد صبت الشيكولاتة فوق الفول السوداني والحمص وراحت تقلبه ، ورماها عاطف بنظرة متسائلة وقال :

— منين يا ماما جبتي الشيكولاتة دي ؟

فلكرزت من تحت المنضدة وكانت كل قسماتها تصرخ فيه : اسكت .

وجلست جيهان وجلس سامي قبالتها وراحوها جميعاً يعدون لفافات الهدايا التي ستوزع على الصغار والكبار في «السبوع» . وراحت هالة تحاول أن تبعثر ما تصل إليه يدها وأمهما تحجزها .

وغافل عاطف أمه وسرق قطعة شيكولاتة وقشرها وناوهها للكلب ،

ولمحته سوسن فقالت :

— ماما الحقى . عاطف بيأكل الكلب شيكولاتة .

فقال عاطف متبيجحا بعد أن انكشف أمره :

— هو يعني اللي ح يكلوها أحسن منه ؟

وأرادت زينب أن تعلن عن كرمها وسماحتها فقالت :

— ده روح يا سوسن يا كل كل اللي نفسه فيه ، يستاهل كل خير ، ده من يوم ما دخل بيتنا جانا الفرح كله والخير كله .

ولم يعجب ذلك الكلام عاطف فقال :

— أمال رمياه رمية الكلاب في السطح ليه ؟

وضعت قلة فيها شمعة كبيرة مضاءة طوال ليلة «السبوع» في غرفة نوم أحلام وابنها ، فالشمعة المضيئة لتكون كل أيام المولود أنوارا . والقلة ليشرب في الصباح رجل حكيم وآخر طويل العمر وثالث هادئ النفس ، ليشب الوليد حكيمًا طويلاً عمر هادئ الطبيع .

واستيقظ الجميع مبكرين تأهبا «للسبوع» ، فلما وقعت عينا زينب على حسين قالت له :

— تعال اشرب من القلة .

فسخر منها فإذا بها تقول له :

— ما فيش حد هنا نفسه أهدا من نفسك .

ولم يستطع أن يتملص منها فقد قادته في خفة ودلال إلى حيث ترقد ابنته ، ورفعت الشمعة من القلة ثم قدمت له القلة وهي تقول :

— أشرب ، دى ميه بزهر .

ورفع حسين القلة وشرب ، وكان سامي ومراد ونبيلة وسوسن وعاطف قد جاءوا يشاهدون أباهم وهو يشرب ، فلما أعاد القلة إلى مكانها مد سامي يده إليها ليرفعها فإذا بأمه تقول له :

— سيب القله يا سامي .

ونظر سامي في إنكار إلى أمه فقالت نبيلة :

— انت عايزه يطلع غيار زيك .

فقال سامي في إنكار :

— بقى أنا غيار ؟

— ده انت تغير من هدوتك .. ورتني الويل من غيرتك .

وقال مراد :

— أشرب أنا ؟

فقالت أحلام لمشاركة في اللعبة :

— عشان يطلع مطيور زيك .

— الله يسامحك .

وقالت سوسن :

— طب هاتوا أشرب أنا .

فقال مراد :

— عشان يطلع فتان زيك . كل حاجة يجري ويقول الحقى يا ماما ..

الحقى يا ماما .

وصمت عاطف لم يشاً أن يتعرض لاستئتم الحداد ، وجاءت حالة

فإذا بأحلام تقول :

— والنبي تسقيها يا ماما م القله .

فقالت زينب :

— عيب يا ولد .

وقالت أحلام :

— لما ييجي جلال . خلوه يشرب م القله .

فقال سامي :

— وأشمعنى جلال ؟

فقالت أحلام :

— عاقل ورزين ، يطلع ابنه زيه .

وجاء جلال وأبواه فإذا بزینب تقدّمـهم إلى غرفة أحـلام ، فـما أـن اـنتهـوا
من السـلام والتـحـيـة حتـى قـدمـت زـینـب إـلـى مـصـطـفـى عـلـوـانـ القـلة وـهـيـ
تـقولـ لـهـ :
— اـتفـضـلـ اـشـرـبـ .

— أنا مش عطشان ، كـترـ خـيرـكـ .

— لأـ دـهـ عـشـانـ يـاخـدـ .. يـاخـدـ طـبعـكـ الـخلـوـ .

فـقاـلتـ أمـ جـلالـ :

— هوـ كـدهـ ؟ طـبـ هـاتـواـ أـشـرـبـ بـقـىـ .

ونـاـولـ مـصـطـفـىـ زـوـجـتـهـ الـقلـةـ بـعـدـ أـنـ شـرـبـ مـنـهـ ، فـلـمـاـ رـفـعـتـهـ لـتـشـرـبـ
تـبـادـلـ حـسـينـ وـزـينـبـ وـأـلـادـهـمـ نـظـرـاتـ اـسـتـيـاءـ . وـكـأـنـمـاـ أـرـادـتـ زـينـبـ أـنـ
تـمـحـوـ أـثـرـ شـرـبـ حـمـةـ اـبـنـهـ فـقاـلتـ وـهـيـ تـدـفعـ بـالـقـلـةـ إـلـىـ زـوـجـ اـبـنـهـ :
— خـدـ اـشـرـبـ يـاـ جـلالـ .

فـقاـلـ وـهـوـ يـرـنـوـ إـلـىـ زـوـجـتـهـ فـيـ حـبـ :

— إذا كان ولا بد تشرب أحلام ، ياريت ياخذ طبعها الحلو .

وكانما ضائق ذلك القول أمه فقالت :

— طبعا ، قالوا الجحاح تحب مين في العيله ، قال اللي بتنايم في حضنني كل ليله .

وتقاطر الجيران نساء وفتيات وأطفالا وغصت الشقة بهم حتى لم يعد هناك موضع لقدم ، وجاءت نبيلة إلى أمها وقالت :

— أوزع عليهم دلوقت الملبس والشمع ؟

ولاحت زينب جيهان بين الوافدات فقالت لها :

— ما تتعبيش نفسك ، خلى سامي ومراد وجيهان يفرقوا الملبس والشمع ..

وراح سامي ومراد يوزعن لفافات الفول السوداني والحمص وقطع الشيكولاتة ، وأخذت جيهان توزع الشمع ، فلما أعطت سوسن شمعة أبىت أن تتناولها وقالت :

— أنا عايزة شمعه كبيره من اللي تخياهم ماما تحت السرير .

وسمعتها نبيلة فأخذتها بعيدا وهمست في أذنها أنها ستأخذ ما تريده بعد أن ينصرف المدعون .

ودخلت زينب غرفة أحلام وراحت تدق بالهاون بالقرب من أذن الوليد وهي تقول :

— اسمع كلام امك .. اسمك كلام ابوك .

قالت أم جلال منتقدة :

فقالت زينب وهي مستمرة في دق الهاون .

— لا يا اختي ، أنا ما دقتش هاله عشان كده بتتفزع وتتفزز من أي صوت .

ولم تكتف زينب بدق المهاون بل أنت بغراً وضعت فيه شيكولاتة
وقوالب سكر ثم وضعت المولود في الغربال وجعلت تغربله في حنان .
وخرجت به إلى حيث المدعون مكذبين فقالت أم جلال :

Digitized by srujanika@gmail.com

عشان أيامه كلها تبقى . حلقة ٥

شم حملته و نخت الغربال بعيداً وقالت :

— ولعوا الشمع .. تعالى يا أحلام .

وإذا بأعواد الكبريت تتوهج وإذا بالشمع تضاء وتسرع نبيلة لتطفئ الأنوار الكهربائية . وجاءت أحلام وحملت ابنها للتسير في موكب النور فكان مشهداً يهز الأفخدة . ولاح التأثر في وجوه حسين ومصطفى علوان وجلال . ولم يكتم مصطفى عواطفه فقال في تأثر عميق :

الرجلين الحمر تطول العمر .

وارتفعت أصوات النساء والفتيات والأطفال :

حلاقاتك برجالاتك حلقة دهب في وداناتك
وسارت أحلام تحمل الوليد ومن خلفها أمها وحماتها وأختها ، وبعض

النسوة والفتیات والأطفال يتدافعون حولهن وينشدون :

يارب يا ربنا تكبر وتبقى قدنا وتقيد الشمعه زينا .

ووصل الموكب الصاحب إلى باب الشقة وحسين ومصطفى وجلال يرقبون الأحداث في انفعال شديد ، وما أن هب الهواء من الباب المفتوح حتى أخذت زينب المولود من ابنتها وقالت لها :

— ارجعى انتى ، إنتى طريه .

وخفافت أحلام على ابنتها فقالت لأمها :

— الدنيا برد عليه .

— ما تخفيشى .. أنا مكلفتاه قوى .

ولم يطمئن قلب الأم فقالت وهي مشفقة على ولیدها :

— يعني لازم يوصل لغاية الشارع ؟

قالت زينب :

— ده راجل ، هو ح يفضل قاعد في البيت .

وعادت أحلام إلى غرفتها وهي ترتجف خوفا على ابنتها ، ولو لا خجلها لخطفته منهن وضمتها في حنان إلى صدرها .

وهبطت زينب الدرج وهي تحمل حفيدتها والنسوة والفتیات والأطفال ينشدون ودoot الزغاريد ، وراح الكلب ينبع من السطح دون أن يأبه له أحد .

وتدافع الأطفال في السلم وهم يحملون الشموع ، وخرج حسين ومصطفى وجلال ينظرون ؛ كانت وجوههم تترقرق بالبهجة

والانشراح . ولما وصل الجميع إلى باب البيت انصرف بعضهم وعاد البعض خلف زينب وأم جلال ونبيلة .

وانقض الحفل فلم يبق في الشقة إلا أبناء حسين ومصطفى وزوجته وجلال ، وقالت أم جلال : — نستأذن بقى .

فقالت زينب وهي تدفعها في رفق لتجلس :
— لا والنبي .. لما نأكل لقمه سوا .

قالت أم جلال :

— معلهش اعفينا النهارده .. يوم تاني .

وضايق مصطفى علوان إصرار زوجته على الانصراف قبل أن يتناولوا
عشاءهم فقال :

—الست حلفت ، انتي عايزه تنزللى حلقاتها الأرض ؟!

٢١

— مش لاقيه المريله يا ماما .

صاحت سومن وهى تدور فى غرف الشقة ثم قالت :

— أنا عارفه الأجازه خلصت بدرى ليه ؟

فقال عاطف وهو يبحث عن فردة الجورب تحت السرير :

— ما هى الأيام الحلوه دايما عمرها قصير .

وعثر على الجورب فدس رجله فيه ولبس الحذاء ، وجعل يتلفت منقبا

ثم قال :

— فين كراسة الحساب ؟ بقى يوم ما أخلص الواجب ما القهاش !

ولم يعثر عليها فاشتد ضيقه ، وكاد الغيظ يخنقه فقال :

— أنا عارف مين اللي اخترع المدارس ؟ ما كانش مات قبل ما يخترعها

وبيريحنا .

فقال مراد وهو يرشف كوب الشاي :

— دى المدارس حتخليك بني آدم .

ولم يعجب ذلك الكلام عاطف فقال له :

— يعني اللي ما دخلوش مدارس . بني آدمين ؟ أمال ملوك زمان

ازای بقوا ملوک وهم ما دخلوش مدارس .

ووقفت زینب تصفعی إلى ذلك الحوار وفي يديها صينية عليها أكواب الشاي ، فلما رأها مراد قال ساخرا من أخيه :

— تعرف يا ماما إن ما كنتوش وديتوا عاطف المدارس كان بقى ملك .

فجاءت سوسن وقد عثرت على مريبتها وسمعت طرفا من الحوار فقالت لأمها :

— يعني إيه ملك يا ماما ؟

فقالت الأم وهي تضع لهم صينية الشاي :

— اشربوا بلاش غلبه عشان تفطروا وتروحوا مدارسكم قبل ما تتأخروا .

وتناول عاطف كوب الشاي بعد أن رشف منه رشفة وقال :

— ما عندكيش بسكوت يا ماما ؟

فقالت في تأنيب :

— اللي ما في الشقة لقمه .. خد من بابا خمسه صاغ وروح اشتري لنا عيش .

فقال مراد :

— خد عشره صاغ وهات بخمسه عيش وبخمسه طعميه .

فقال له عاطف :

— ما تروح انت .

وكان حسين قد خرج من غرفته فقال :

— خد يا مراد العشره صاغ .

وأسقط في يد مراد فذهب إلى حيث وقف أبوه وتناول العشرة
القروش وانصرف ، وجاء سامي بعد أن اغتسل وهو يجفف شعره فقال
له أبوه :

— انت مش رايح النهارده يا سامي ؟

— عندي محاضره الساعه حداشر .

واقترب سامي من أبيه وقال :

— عايز تلاته جنيه .

— ليه يا سامي ؟

— اشتري الملازم اللي نازله النهارده .

ولما سمع الأولاد ما طلب سامي هرعت سوسن وعاطف إلى أبيهما
وقالت سوسن :

— الناظرة قالت لنا كل واحده تجيب جنيه .

— ليه ؟

— مساهمة في نشاط المدرسه .

وقال عاطف :

— وانا برضه قالوا لي هات جنيه .

وعاد مراد يحمل الخبز وقرطاس الطعمية ، فإذا بزينب تنادى :

— تعالى يا نبيله قبل الطعميه ما تبرد .

ووضع مراد ما حمل على منضدة وقال :

— اعملى لي سندويتش يا ماما أنا أتأخرت .

وتناول مراد الساندوتش من أمها وهرع نحو الباب . فإذا بأبيه يقول له :

— وانت جاي يا مراد هات حسين معاك .. الواد وحشنا .

وفتح مراد الباب وانصرف ، وافتتت نبيلة — التي جاءت وقد انتفخ بطنهما — إلى أمها وقالت :

— بابا اتعلق بابن أحلام .

— يا بنتي قالوا في الأمثال : أحب الولد ولد الولد .

وخرج عاطف وتبعته سوسن ، وجلست الأم بمحاملاة لابنتها نبيلة فما كانت لتأكل إلا بعد أن يأكلوا جميعا ، ونادت على زوجها وابنها قالت :

— حسين .. سامي .. تعالوا كلوا لكم لقمه .

وأقبل حسين وسامي يشاركانهما الطعام ، فقالت زينب :

— تأكلوا إيه النهار ده ؟

فقال حسين :

— اللي تعملوه ..

فقالت زينب .

— ما تدخونيش كل يوم .. قولوا تكلوا إيه ؟

فقال سامي :

— بسله ورز .

— النهادره الاتين ما فيش لحمه ، رأيكو تحدقو النهارده تاكلوا
كشرى .

فقال سامي :

— لما انتي ناويه تأكلينا كشرى بتسالينا ليه ؟
كان ذلك شأنها تسألهم عما يريدون أن يأكلوا ثم تصنع لهم ما يحلو
لها :

وانصرف الأب ثم سامي ولم يبق في البيت غير زينب ونبيلة وهالة ،
فقالت نبيلة لأمها :

— خشى انت استريحى النهارده وانا اعمل الكشرى .
فقالت زينب :

— أستريح من أيه ؟

— من دوشتم .

— والله البيت من غيرهم ماله طعم ، مش عارفه ح اعمل إيه لما يكبروا
ويتجوزوا ويصفصف علينا البيت أنا وابوكم .

وشردت زينب مفكرة ، ولاحظت نبيلة مسحة من الأسى تكسو
وجه أمها ف وقالت لها :

— ما تفكريش في الحكايه دي لسه بدري .

— الأيام بتجرى يا نبيلة ، أنا ولدتك من عشرين سنة فاتوا زى ما
يكونوا يومين . فاكره لما كنتي زى سوسن ؟ أدى انتي التجوزنى وكلها

جعه واللا اتنين ورح تبقى أم .

وشردت نبيلة ولا حظت زينب سهومها فقالت لها :

— الدنيا على كده .. ما تفكريش .

ودخلت الأم المطبخ وتبعتها نبيله ، وإذا بهالة تسير خلفهما تتعثر في أرجلهما . وبعد الظهر عاد الأولاد إلى البيت وقفل حسين راجعاً وكان أول ما قاله :

— هو مراد جه ؟

فقالت زينب :

— لسه .

— يبقى راح يجيب حسين .

و قبل أن ياتفوا حول الكشرى دق جرس الباب فصاحت سوسن :

— مراد جه .

و هرولت إلى الباب وفتحته ثم صاحت في فرح :

— جاب حسين معاه .

وقام حسين ليستقبل حفيده ونبيلة ترقبه في عطف ، فلما وصل إلى حيث كان مراد سمع سوسن تقول متسللة :

— أنا أشيله .. أشيله والنبي .

و حمل حسين حفيده وراح يداعبه .

فإذا بزينب وأبنائها جمِيعاً يهُرُون لمداعبة الطفل ، وارتقت

الأصوات :

— أنا أشيله .. أنا أشيله ..

فالتفت إليهم زينب وقالت :

— أشمعنى ده حل ، ما كلكم بتهربوا من شيل هاله .

وأراد حسين أن يرضيهم جميعاً فوضع الطفل على الأرض ، فإذا بهم يركعون على ركبهم وأيديهم حتى حسين وزينب فعلاً ذلك وراح كل منهم يحاول بحركات وجهه وإخراج لسانه وتلعيب حاجبيه أن يلفت نظر الطفل إليه . ورأى عاطف أن عقد الأسرة لا بد أن يكتمل فأسرع إلى السطح وأحضر الكلب ووضعه معهم في الحلقة التي ضربت حول حسين الصغير .

ومر بعض الوقت وجاء جلال وقال :

— فين سونه ؟

فقالت زينب :

— جوه مع جده ..

— أحلام عايزاه لاحسن وخشها ..

ودخل وحمل ابنته وانصرف ، وهرع عاطف وسوسن إلى التلفزيون ، وجاءت جيهان ودخلت تذاكر مع سامي ، وسمع صوت كلاكس سيارة فقال مراد :

— صاحبى جه .. أنا رايح يا ماما أذاكر معاه ..

فقالت زينب :

— طب ما تذاكر هنا ..

— فين؟ .. سامي وجيهان يذاكر وافي الأوده ، السنه دى مش عايزه
لعي دى الثانوية العامه .

— والله أنا خايفه عليك .

— بقى جيهان بتذاكر مع سامي وما حدش خايف عليها وخايفه على
أنا أذاكر بره .

وخرج مهرولا وهبط الدرج يركب إلى جوار صديقه في السيارة
وانطلقت بهما ، وعند شارع من شوارع القاهرة الهاڈة وقفت السيارة
وصعدت إليها فتاتان ثم انطلقت السيارة والضحكات تتجاوب في
أرجائها .

وترك عاطف التلفزيون وذهب إلى أبيه وقال :

— النهارده كان فيه روایه في التلفزيون غريبه قوى خلصت من غير ما
حد يتجوز في آخرها .

وقالت له زينب :

— طب خش انت واحتلك وذاكر وافي بقى ، شايفين سامي يذاكر
ازاي ومراد خرج في البرد ده عشان يذاكر ، كبدى عليه ح بموت نفسه
في المذاكره السنه دى .

بخار الماء يملأ الشقة وأحلام وجلال وحسين يغدون ويروحون في
قلق ، ومن شدة قلقهم يتبادلون حمل حسين الصغير كلما هم بالبكاء ،
وارتفع صوت زينب قائلة :
— ناولينا الميه السخنه يا أحلام .

وحملت أحلام الماء الساخن والتجهت به إلى الغرفة المغلقة ، وسرعان
ما ارتفع بكاء المولود ، فخرجت زينب وقالت :
— مبروك ولد .

وخرجت الدكتورة ودخل حسين وجلال وأحلام بيار كون لنبيلا ،
وسرعان ما خرجت أحلام يتبعها زوجها فقالت وقد ظهر الضيق في
وجهها :
— والنبي ابن خالك ده باين .

وهاجمت رأس جلال فكرة وما أسرع أن عزم على إنفاذها ، فحمل
ابنه وخرج لا يلوى على شيء وانطلق إلى بيت ابن خاله ، فلما طرق الباب
فتح له شفيق ، فما أن رأى ابن جلال حتى بش وحمله ودخل وهو
يداعبه ، فإذا بحسين الصغير يبتسم فيستشعر شفيق أن الكون كله قد

أشرق .

وجلس الرجال ولا حديث بينهما فقد كان وجود الطفل أفعى من كل كلام ، فنهض شقيق وعاد يحمل شيكولاتة وقال جلال :
— يأكل شيكولاتة ؟

— يياكل .

وقدم شقيق الشيكولاتة للطفل فراح يأكلها وقد لوث فمه ، فلما أتى عليها حمله شقيق وذهب إلى الحمام وراح يغسل له فمه والطفل يعبث بيده في الماء المنهمر من الصنبور .

وأحس شقيق مشاعر رقيقة . إن كل كآبة قد غسلت من صدره وانسكت فيه عواطف ناعمة رقيقة حانية ، ولم يستطع أن يكبح جماح إحساساته فقال :

— ابنك لطيف يا جلال .

ورى جلال أن يطرق الحديد وهو ساخن فقال :
— نبيله جابت لك ولد لطف منه .

فقال شقيق دون تفكير :

— هي نبيله ولدت ؟

— ولدت وجابت لك ولد لطف من حسين .
— مش معقول :

فقال له جلال وقد دنا منه .

— مش تعقل بقى وتسبيب عناد الأطفال ده .

ولم يحر شقيق جواباً بل ضم إليه الطفل وقبله قبلة ترجمت عن التحول
الهائل الذي طرأ عليه ، فقال له جلال :

— طب قوم بقى نروح لها .

قال له شقيق وهو يتسنم :

— يعني مش تيجي معايا لما ابيع العربيه .

قال له جلال في انشراح :

— نويت ؟

فهز له شقيق رأسه أن نعم ، وانصرف الشابان وركبا السيارة لآخر
مرة وانطلقا بها إلى محل بيع وشراء سيارات وقد غادرها بدونها .

ودق جرس باب شقة حسين فهرعت سوسن وفتحت ، وما أن رأت

جلال وشقيق حتى صاحت :

— شقيق جه يا ماما .

وخف حسين لاستقبال زوج ابنته وهو يكاد يطير من الفرح ،
وجري عاطف إلى نبيلة يزف إليها البشري . وما أن وقعت عينا حسين
على شقيق حتى اغورقت عيناه بالدموع ولم يتكل حتى عانقه . ومسح
جلال من عينيه دمعة كبيرة انحدرت على خده ، وهرع الجميع إلى شقيق
فرحين . إنهم يصافحونه مصافحة الغائب الذي عاد . واستقبلته زينب
مرحية :

— أهلا .. أهلا وسهلا .. ادخل .. ادخل شوف ابنك .

ودخل شقيق ، وما أن تلاقت عيناه بعيني نبيلة حتى اغورقت عيناه

بالدموع وساحت نبيلة العبرات فقالت زينب :

— ده مش وقت عياط .

وخطفت أحلام ابنتها من أبيه وراحت تقبله لتنفس عن العواطف
المكبوة في صدرها ، فلو طاوعت نفسها لأجهشت بالبكاء .

وجاء سامي يداعب شقيق فقال :

— والله كبرنا وبقى لنا أولاد .

فقال له شقيق :

— عقبالك لما تبقى راجل زينا .

وجاء مراد وقال :

— الجو لذيد قوى .

فقالت له أحلام :

— وانت اش عرفك ؟

وانسل مراد دون أن ينبع بكلمة ، ومالت زينب وحملت المولود
وقدمته إلى أبيه ، فحمله شقيق وقد انداحت رقة في جنباته وظل يرنو إليه
في حب عميق ، فقالت له نبيلة :

— مش حلو ؟

فقال في صدق :

— ما فيش أجمل من كده .

فقال سامي :

— خنفسة شافت ولادها على الحيط ، قالت ما أحل ولادي زي

(الخفيض)

اللولى في خيط .

فقالت أحلام :

— ده والنبي كله انت .

فقال سامي :

— هو انا وحش كده ؟

فقالت نبيلة :

— يا ريتك كنت حلو زيه .

وجاءت زينب بفنجان مغات وقدمته إليه وقالت :

— اتفضل .

فأعاد شفيق ابنه إلى جوار أمه وتناول الفنجان ، وقالت له زينب :

— خلاص ، افضل معانا لغاية « السبوع » .

— متشرkr ، أنا السبوع ح اعمله في بيتنا .

وازدرد حسين ريقه ، فما كان يتحمل حدوث ما حديث يوم

« سبوع » ابن أحلام ، وما انتهى شفيق من شرب المغات حتى عاد

يحمل ابنه ، ثم التفت إلى حماه وقال :

— ح اسميه حسين .

فقالت أحلام :

— احنا سبقناك .

فقال شفيق :

— وفيها إيه ، ابنكم اسمه حسين جلال وانا ابني اسمه حسين
شفيق .

وطفت عواطف حسين فذهب إلى شفيق واعتنقه .

كان جلال وأحلام يدفعان عربة ابنهما أمامهما وإلى جوارهما يسير شقيق ونبيلة يدفعان عربة أخرى بها ابنهما . كان الجو لطيفاً والطريق هادئاً وكانت المشاعر التي تفيض بها النفوس . وساد الصمت بينهم فكل منهم كان ينعم بالانشراح الروحي الذي جعله يحس أنه يheim في ملوكوت من لطف وسحر وجمال .

وأراد جلال أن يقطع الصمت الذي لفهم فالتفت إلى شقيق وقال :

— أين الذ ، سوادة العربية والا زق العربيه ؟

دفع شقيق عربة ابنه أمامه وقال :

— زق العربيه الذ .

فقال جلال مداعباً نبيلة :

— خلاص تيجي له أخت .

فقالت نبيلة في تصنع :

— توبه ، كفايه واحد ، هو احنا قادرين عليه .

وقال شقيق :

— ده قاطع أبيونيه عند الدكتور من يوم ما جه ، وعيال ما نلاقى علبة

اللبن بندوخ .

وقالت نبيله في إشراق :

— الله يكون في عون ماما . أنا عارفه ربنا ازاي .

ولم يعجب ذلك الكلام أحلام فقالت :

— أنا حاجب له أخ واللاخت ، لو فضل وحده ح يطلع أناني .

فقال شفيق :

— آنانی آنانی بس کفا یه علیٰ کده .

وقالت أحلام لأنختها :

— إِلَّا يَا نَبِيَّهُ لَمَّا حَتَّى تَوَظَّفَ فِي حَتَّى تَعْمَلَ فِيهِ إِيَّاهُ؟

— ح اسييه عند ماما الصبح ولما ارجع ابقي آخده .

فقالت أحلام :

— تفتکری الماهیه الی ح تاخدیها تستاھل المرمطه دی کلها ؟ ح
تدوّبی بہا جزم و شربات وح تر کبی بہا تاکسیات .

فقايل شفيق :

— انتی متفائله قوى ، هي فين التاكسیات دى ؟

وقالت أحلام وقد ذهبت لتغطي ابنها جيداً بينما جلال يدفع العربة :

— لو الحکومه تنصیف کانت قالت : الست المتجوزه و مختلفه تقدع في

البيت وتدى لجوزها نص ما هيته .

فقالت نبيلة معتبرضة :

— ولپه ما تاخودهاش هي ؟

— ياخدها هو تاخدها هي المهم إن الستات اللي متجوزين ومخلفين
يقطعوا يربوا أولادهم ، تربيه الأولاد أهم من الشغل اللي بيشتغلوا ده إن
كانوا بيشتغلوا حاجه . دى زيادة عن إن أزمة المواصلات خ تتحلل ، وإن
الدوله خ توفر الفلوس اللي بتشتري فيها كالميات وتواليتات للستات اللي
بيشتغلوا ويخرجوا كل يوم .

ومرت الأيام وخرج حسين مع أحفاده ، قصد حدائق من الحدائق
وسار في يده حسين جلال وحسين شفيق وفي يده الأخرى زينب
الصغرى ابنة أحلام ، إنه كان سعيداً يستشعر أن شبابه قد عاد إليه وأن
الدنيا تبتسم له .

ومرت الشهور وخرج جلال وزوجته وشقيق وزوجته للنزهة .
كان جلال قد أمسك ابنه حسين في يد وفي يده الأخرى زينب
الصغيرة وأحلام تدفع العربة فيها ولديه الثالث ، وسار شقيق وقد قبض
على يد ابنه فهو يخشى أن يجرى ، فحسين شفيق لا يطيق أن يمشي
الهوينى ، وقد دفعت نبيلة العربة وفيها مولودها الثاني ، والتفت إليها
جلال وقال :

— البت الثالثة سميهما أحلام .

— لأ يا خويا كفايه .

— ما انتي نفسك في بنت .

فقالت نبيلة وهي تصاحك :

— دول عايزين أب سعيد وأم حديد .

قال جلال مداعبا شقيق :

— خلاص ! أبوهم غنى وامهم عينى بارده عليها .

قال شقيق :

— القرشين طاروا والشكوى لغير الله مذلة ، ده احنا لو جبنا التالت
ح نقف على باب سيدنا الحسين ونقول الله .

قال له جلال :

— يا راجل قول الحمد لله . انت بتشتغل ونبيله بتشتغل .

وقالت أحلام :

— وبترمى أولادها على امهما .

وتصرمت أشهر وانقضى عام ، ورن الجرس في بيت حسين ،
فأسرعت زينب وفتحت وإذا بنبيلة قد جاءت بأولادها الثلاثة وقالت
زينب لأحفادها :

— أهلا .. أهلا بالحلوين .

وانسلت نبيلة وهي تقول :

— يكن اتأخر في الشغل النهارده .

— على مهلك يا بنتي .

— معلهش ، أنا عارفة إنهم بيتعبو كى .

— أبدا يا نبيله .

ودخلت زينب بعد أن حملت الصغيرة التي كانت على كتف ابتها
وقالت لحفيدها :

— حسين امسك إيد انحوك و تعالى .

و سارت وأجلست الطفلين وقالت لهم :

— خليكو هنا لما أشوف لكم كل واحد بيضه .

و دخلت إلى المطبخ وهي تحمل حفيتها و تداعبها ، وما لبثت أن

سمعت جرس الباب فقالت وهي تضع البيض على النار :

— حاضر .. جايه .. جايه اهو .

و فتحت الباب فإذا بجيحان تحمل ابنتها على كتفها :

— لا مؤاخذه يا تانت ، والنبي تخلى بنتى مع اولاد نبيله لغاية ما

اخلص الامتحان ، هانت آخر امتحان .. أصل جوزى سافر امبارح .

— من عينى يا جيحان . قعدتها معاهم .

و دخلت جيحان وأجلست ابنتها مع حسين الصغير وأخيه ، فمال
حسين وقبلها .

فقالت زينب :

— لا يقين لبعض . مش كده يا جيحان ؟

فابتسمت جيحان وقالت :

— خلاص يا تانت ، خدوها من دلوت .

— ربنا يهنيكى بيه .

وقالت جيحان :

— هو سامي خرج ؟

— خرج من بدرى .

— ادعى لنا ياتانت .

— ربنا ينصح مقصودكم يا بنتي .

وانصرفت جيهان ، وعادت زينب إلى المطبخ فألفت الماء يغلي والبيض يتحرك في الإناء من شدة البخار ، فأطfaت النار وأخذت البيض وذهبت إلى حيث كان الأطفال وجلست على الأرض وقشرت أول بيضة ، فأخذها حسين فإذا بأخيه يستاء فقالت له :

— معلهمش ، ح اديك البيضه اللي باقشرها دى .

ومدت ابنة جيهان يدها وقبضت على بيضة كانت في الطبق ، فإذا بها تصرخ ، كانت البيضة لا تزال ساخنة . وفزعـت ابنة نبيلة فبكت لبكاء ابنة جيهان . ولما رأى حسين وأخوه بكاء أختهما انخرطا في البكاء وراحت زينب تحاول إسكات الأطفال الثلاثة دون جدوـى ، صفت لهم .. انشالت وانحـطـت في مكانها كالقرد ، أصدرت أصواتاً لعل الأطفال ينشغلون بها عن البكاء ، صنعت كل ما في طاقتـها دون جدوـى ، وظل البكاء مستمراً بل ازداد كأنما البكاء يجـلبـ البـكـاءـ ، ونفذ صبر زينب فقالـتـ في غـضـبـ وـيـأسـ :

— بـقـىـ يا رـبـ هـمـ يـزـرـبـواـ وـتـيـجيـ عـلـىـ رـاسـيـ اـنـاـ ١٩

٢٤

مرت خمس عشرة سنة منذ زفاف أحلام ، وكان حسين في غرفة النوم شاردا .. يعجب كيف انقضت سريعا كل تلك السنين . إنه سيبلغ سن الستين بعد أيام ، من التقاعد ، وهو لا يدرى ماذا ستكون حياته بعد ذلك ، وقد اعتاد أن يخرج في الصباح ويتوجه إلى مكتبه ويمكث به حتى متنصف الثانية بعد الظهر ، وكثيرا ما كان يعود إليه في المساء . صار مكتبه قطعة منه يختز في نفسه أن يفارقه بعد صحبة السنين الطويلة . إنه وإن كان جمادا إلا أنه كان بالنسبة إليه أكثر حياة من كثير من عرفهم ومن مرروا في حياته من الكرام . ويا طالما شهد ذلك المكتب أيام بهجته وأيام سروره وأيام ضيقه ، فبين جدرانه جرت أحلى الذكريات . ولتحت زينب الأسى في وجه زوجها فقالت له :

— بتذكر في إيه يا حسين ؟

قال حسين وهو يتسم بابتسامة مريرة :

— ح يبقى عندى ستين سنة بعد أربع تيام .

قالت زينب :

— ربنا يديلك طولة العمر ، أبويا عاش لما بقى عنده تمانين .

ولم يكن بلوغه سن الستين هو الذى يشغله إنما كان يشغله أنه لن يذهب إلى مكتبه ، ليتهم يسمحون له بأن يذهب إليه بعد التقاعد دون أن يتقااضى شيئاً فوق معاشه . إن ما يحز في نفسه أنه سيفقد عادته ، وإنه من الصعب أن يعتاد المرء على شيء لم يألفه من قبل بعد الستين ، فقال :

— ح اتحال ع المعاش يا زينب .

— الحمد لله ، لا عندنا اللي بيعيط ولا عندنا اللي بيوقو ، خلصنا ذمتنا منهم كلهم .

ولعنت في ذهnya فكرة فقالت :

— انت طول عمرك مهنينا ، لازم نحتفل بك .

فقال حسين في خوف :

— لأ يا زينب ، ما فيش لازمه .

صرفت علينا كلنا ح تبخل على نفسك ؟

وتردد وأنحيرا رأى ألا مفر من أن يقولها :

— لازم يا زينب نمسك إيدينا ، انتي عارفة المعاش يعني إيه .

— راضيين والحمد لله ، وهو لما نحتفل بيك لازم نبعزق ، ح نعزم الأولاد ع الغدا واللا العشا ، ويوم ما يقووا كلهم حوالينا يبقى يوم عيد .

— احنا دلوقت يا زينب ما نقدرش نكفيهم عيش .

— الخير كتير ، والنبي لأنفرح بيكم زي ما فرحتنا كلنا .

ويوم أتم الستين اجتمعت الأسرة حول المائدة ، إنها لم تعد أسرة بل صارت قبيلة ، ومدت المائدة حتى وصلت إلى الغرفة التي كانت

للبنات ، وجلس حسين على رأسها ، وعن يساره شفيق وخمسة أبناء ، وبعدهم جلست نبيلة ، وجلس سامي وبعده ولدان ثم زوجته ، ثم سوسن وابتها وزوجها ، وعن يمينه جلس جلال وثلاثة أبناء ثم أحلام ، وبعد أحلام جلس مراد وابنه وزوجه ، ثم هالة وزوجها ، وجلس عاطف وحده فلم يتزوج بعد .

وجاءت زينب من المطبخ تحمل حلة كبيرة بها مغرفة ، فلما رأها الأحفاد صاحوا :

— تيتا .. تيتا .. تعيش تيتا .

وقالت زينب لتغريهم على التزام الصمت :

— اللي ح يأكل وهو ساكت جدو ح ياخده الملاهي .

وراحت تعرف من الخلة وتضع في الصحاف الموضوعة أمام الجميع ،

فإذا وصلت إلى هالة قالت لها :

— خدى باللك من جوزك يا هالة .

وإذا غرفت لمراد وابنه وزوجته قالت :

— أكل ابنك ومراتك يا مراد .

وغرفت لأحلام وقالت لها :

— مش ح اوسيكي على اولادك يا أحلام .

وغرفت بلال وقالت :

— يعجبني جلال . مش عايز حد يأكله .

ووصلت إلى زوجها فغرفت له وقالت :

— ربنا يخليلك لنا ميت سنه .

وغرفت لشقيق والأولاده الخمسة ولنبيلة ثم قالت لها :

— شدى حيلك يا نبيلة ح تبقى عيله زينا .

فقال جلال مازحا :

— قصتك قبيله ..

وابتسם حسين فابتسم الجميع ، وغرفت لسامي وقالت له :

— أوعى تأكل أكل ولا دك يا سامي .

وراحت تغ Ruf لولديه ولزوجته .

وغرفت لسوسن وهي تقول :

— مين كان يصدق ان سوسن ح تكبر ويقى لها بنت .

وقالت أحلام :

— اقعدى بقى يا ماما .

فقالت زينب وقد أفرغت الحلة وانطلقت صوب المطبخ :

— لما جايب لكتو المكرونه .

وغابت قليلا ثم عادت تحمل صاجا أشبه بصاج المكرونة في محال

الستريتونات ، وصاح الأحفاد :

— تيتا .. تيتا .

— اللي ح يأكل وهو ساكت ح ياخده جدو الملاهى .

* * *

وانطلق حسين في رفقة أحفاده إلى الملاهى ، وذهب إلى الشباك

وقال :

— اتناشر تذكره .

فنظر الرجل إلى الأولاد ، ثم رمق حسين في إشفاق وقال :

— كفايه تسعه .

وتناول التذاكر واتجه إلى الباب . فإذا بالرجل الواقف عند الباب يلقى نظرة إشفاق على الأولاد ويرق قلبه لحسين فياخذ منه التذاكر ، ثم ينطلق إلى شباك الحجز ويعيد ثلاث تذاكر ثم يقفل عائداً إلى حسين ويعطيه ثمن التذاكر التي ردت ويقول له :

— كفايه سته .

ويدخل الأحفاد إلى الملاهي ويجرون هنا وهناك فيصبح حسين :

— حسين جلال .. حسين شفيق .. خلوا بالكتو من أخواتكم ومن الأولاد .

فرد عليه أحدهم :

— استريح انت عندك ورح نقى نيجى لك .

وذهب حسين وجلس على مقعد وغفا ، وانتشر الأحفاد في الدنيا الضيقة — وما أسرع ما سينتشرون في الدنيا الواسعة ، في أرض الله .

مؤلفات الأستاذ عبد الحميد جودة السحار

- أحمس بطل الاستقلال
- أبو ذر الفقاري
- بلال مؤذن الرسول
- في الوظيفة
- سعد بن أبي وقاص
- هرات الشياطين
- أبناء أبي بكر الصديق
- في قافلة الزمان
- أميرة قرطبة
- النقاب الأزرق
- المسيح عيسى بن مريم
- أهل بيت النبي

- محمد رسول الله تأليف : مولاي محمد على
- ترجمة بالاشراك مع مصطفى فهمي
- قصص من الكتب المقدسة
- صدى السنين
- ترجمت إلى الاندونيسية
- حياة الحسين
- الشارع الجديد
- وكان مساء
- أذرع وسيقان
- المستنقع
- ليلة عاصفة
- الحصاد
- جسر الشيطان

- (رواية)
- (قصة)
- (قصة)
- (قصة)
- (مجموعة أقاوصيس)
- (رواية)
- (قصة)
- (قصة)
- (رواية)
- (قصة)

- النصف الآخر
- السهول البيضاء
- أم العروسة
- قلعة الأبطال
- وعد الله وإسرائيل
- عمر بن عبد العزيز
- هذه حياتي
- الحفيد
- ذكريات سينائية
- كشك الموسيقى
- خفقات قلب
- صور وذكريات
- الإسراء والمعراج
- القصة من خلال تجاربى الذاتية
- عدو البشر
- أبطال الجزيرة الخضراء
- التمر
- الله أكبر
- ثلاثة رجال في حياتها
- مسجد الرسول
- فات الميعاد
- آدم إلى الأبد
- العرب في أوروبا
- الدستور من القرآن العظيم

To: www.al-mostafa.com